

宋

會

要

職官

遊報補

宋會要

太宗淳化四年十月二十九日以虞部員外郎知制誥
王旦為禮部郎中集賢殿脩撰仍同知吏選事旦以妻
父趙昌言參政非便求解職而有是命 貞宗天禧二

年五月二日以刑部員外郎兼侍御史知雜事呂夷簡
守本官同勾當通進銀臺司兼門下封駁事度支郎中
杜夢證兼侍御史知雜事夷簡與中丞趙安仁近親避
嫌也 仁宗明道二年十一月二十八日詔判審官院
三班院官員親戚京朝官使臣差遣磨勘更不逐旋申
奏便仰牒同判官員一面依例施行訖以聞 景祐二
年八月二十八日知制誥李淑言奉宣差同勾當三班
院伏緣廷臣選授事本樞司繫之官聯是為統屬外舅
韓億見領樞密副使詢于前例合避親嫌欲望比類別
換一處詔不須避 五年三月六日翰林學士李淑言
伏見恩制臣父若谷蒙授參知政事臣忝服近列理合

避嫌蓋以局禁之嚴號令所出本於訪問時政不止典
作詔辭唐朝獨孤郁為妻父任宰相亦罷學士之職況
今父子顯妨公議臣遭逢先聖擢在文館繼踐兩制垂
二十年雖無補於論思敢自廢於典故欲望許解職內
廷別授以一次無職局學士名目兼臣見領三班禮院
皆是總屬亦乞別換一次差遣自餘書筵史局不敢辭
避如此則當陛下任人之際免速譏嫌在私門驚寵之
辰不憂泰盛臣之懇請非涉僥覲必冀允從之恩曲全
退損之節詔換翰林侍讀學士 康定二年正月二十
八日翰林學士丁度等言詳定服紀親疎在官迴避條
制請本族總麻以上親及有服外親無服外親並令迴

避其餘勿_物推從之 慶曆五年二月十一日以翰林學

士吏部郎中知制誥宋祁兼龍圖閣學士依前翰林侍
讀學士以兄庠參預朝政求解禁林之職也 四月二

十四日河北安撫都監文思副使桑宗望言女壻供奉

官劉淵是知保州劉渙親弟及緣界河同巡檢王令問

是親家詔與河東安撫都監禮賓副使靳宗說對易其

任 八月二十三日梓潼路駐泊兵馬鈐轄馬端言知

施州陳曉是親家係轄下慮有妨礙詔以荆湖南路駐

泊兵馬都監禮賓副使武永符對易其任 十一月十

五日徙河東路轉運使柳灝與新除陝西路轉運使李

昭邁易其任避親嫌也 至和二年七月二十五日同

判吏部流內銓劉敞言伏見審官三班院流內銓注擬外官其間或兄弟伯叔子姪自相為代所注擬外官其五服之內於法許相容隱者皆不得相為代有敢妄冒居之者以私罪論於理為便從之 嘉祐元年三月樞密副使給事中王堯臣為戶部侍郎參知政事給事中程戡為戶部侍郎樞密副使以戡與宰臣文彥博為姻家故易之 三年三月以起居舍人同修起居注范鎮知制誥太常丞直集賢院同修起居注馮京為右正言龍圖閣待制鎮與京同試中書而京宰相富弼婿故以待制命之 七月權御史中丞包拯言右正言吳及立身有守遇事敢言緣與樞密副使張昇妻是親奏乞

外郡緣昇妻亡已久理不當避乞令依舊供職許之

八年十二月十四日詔審官院應京朝官有親戚妨礙
合迴避者如到任未及一年即與對移本縣官相妨礙
於本州別縣對移本州官相礙於隣州對移本路職司
相妨礙於隣路對移及一年已上者除祖孫及期已上
親依此對移外其他親戚即候成資放罷令樞密院三
班院並准此施行 治平元年正月九日南作坊使閤
門通事舍人勾當左驂驥院李瑊與左藏庫副使勾當
翰林司郭宗古對易其局以瑊與郡牧都監張宗道親
嫌故也 以上國朝會要 治平四年正月二十九日神
宗已即位未改元樞密副使陳升之言權步軍司公事

竇舜卿是臣妻弟乞別差人詔不許迴避候宋守約回
日取旨 三月九日權提點京西路刑獄公事祠部郎
中陳安石與權提點河東路刑獄公事太常少卿母沆
對易差遣以安石避親故也神宗熙寧元年正月二十
一日翰林學士知通進銀臺司兼門下封駁事呂公著
兼判尚書兵部以龍圖閣直學士判尚書兵部張揆知
通進銀臺司兼門下封駁事公著自陳兄公弼任樞密
使領封駁非便也 二十三日以糾察在京刑獄郭申
錫同判太常寺知制誥吳充同糾察在京刑獄以申錫
與龍圖閣直學士給事中權知開封府呂泰親嫌故也
二年二月十一日刑部郎中知制誥同知諫院吳充

罷知諫院充言與新除參知政事王安石是親例合迴
避言職故也 十月八日樞密院言就差憲曹州偃知
石州其石州自來帶嵐石隰州同都巡檢使勘會內藏
庫副使曹偃見知除隰州當避弟偃詔偃與知忻州陳
永圖對移 三年十一月二十六日詔應內外官事局
相干或係統攝若本族同居無服以上親異居袒免以
上親親姑姊妹姪女孫女之夫凡言親者堂從不避其
子婿子婦之父及其親兄弟母妻親姊妹之夫親姨之
子親外孫外生女之夫母本服大功親若嫡繼慈母亡
即不避皆令奏請迴避若審官三班院流內銓主判官
差注官員及其餘司局事有干礙者許一面牒同職官

管勾當並免簽書更不逐旋申奏若無官可牒依公施行
四年二月十三日新差權同提點慶州路刑獄公
事王居卿權發

遣京東路提點刑

獄公事段繹兩易以居卿避親故也

五年八月四日

樞密院言權同檢詳兵房文字蘓液言自來諸路都總
管司走馬承受使臣與本路官避親者不以有無統攝
一併妨礙理未允當乞自今受與本路轉運使副判
官提點刑獄通判幕職令錄判司簿尉及監當官吏不
迴避其路分都副總管并路分鈐轄都監以下應帶兵
職及知州軍城寨管勾機宜文字臣僚等並迴避從之

七年十月二十一日詔今後應管軍臣僚如未管軍
已前係親屬即須自陳如管軍已後並不得共為婚姻
九年正月二十五日判將作監謝景溫言蒙改差同
提舉在京諸司庫與張弼對換況張弼為避沈括親嫌
緣括亦是臣父之表弟乞各依舊局從之 元豐元年
十月十九日詔定州路副都總管兼河北第一將殿前
都虞候深州防禦使劉永年太原府路副都總管兼河
東第一將馬軍副都指揮使黔州觀察使盧政對易其
任永年以知州韓絳親故也 二年六月二十七日詔
改權發遣淮南東路提點刑獄尚書金部員外郎范百
祿權知唐州以百祿與知楊州鮮于侁避親故也 四

年七月二十四日同知諫院蔡卞言武學教授蔡碩近
留修葺軍器監敕於樞密院置局碩執政之弟與承旨
張山甫聯親慮交相黨援得復備負襲勢營私漸不可
長乞罷免以協公議詔樞密院別差官 六年七月九
日詔朝請大夫試太常少卿孫覺秘書少監朝散大夫
葉均兩易其任以覺與禮部侍郎李常親嫌也 哲宗
元祐元年七月二十五日詔堂除官應避親者到官後
限一月自陳 八月六日吏部侍郎兼侍講傅堯俞以
職煩日病乞罷侍講宰臣司馬光請改堯俞為侍讀而
用范祖禹為侍講祖禹呂公著之壻也請避嫌光奏宰
相不當以私嫌廢公議門下侍郎韓維奏朝廷遴選執

政本以進達賢能為職今乃以執政妨用人不可方今
人材難得幸而可用之人又以執政故退罷若七八執
政各避私嫌甚妨賢路且多存形迹非大公之道遂以
祖禹兼侍講二年四月十四日同知樞密院事范純
仁以戶部侍郎韓宗道門下侍郎孫固以太師文彥博
親嫌為言劉摯言故事執政於同列少有避親者太皇
太后曰執政於親戚無迴避之理如用人合公議雖親
何害若或徇私雖非親戚必致人言惟盡公滅私則善
矣五年十月五日吏部請避親法注文添入或妻之
大功以上姊妹之夫及其子一十四字從之八年四
月二十三日臣僚上言伏見自祖宗以來條制凡官員

親戚於職事有統攝或相干者並迴避近時朝廷待從
近臣執事或有親戚相妨多用特旨更不迴避今乃類
使叔姪兄弟更相臨統則是按察之法名存而實廢矣
望應今後內外官職事有親戚相妨並令依法迴避更
不降特不迴避指揮詔依奏內有服紀遠職事疎臨時
取旨 紹聖四年十二月二十三日詔責授涪州別駕
黔州安置黃庭堅移戎州安置以避部使者親嫌也
徽宗建中靖國六年九月九日鄜延路經略安撫使司
屬官與本路經略安撫監司係親嫌者並迴避經略安
撫司管幹機宜文字官非今來本司契勘一路監司於
所部官並係統屬雖於別司屬官在法亦合互察除師

臣子弟充書寫機宜文字自有別條外其餘辟置機宜
官依條並在敕舉之例今若不避親嫌則恐於薦辟敕
舉皆有妨礙今條內並不該載慮有未盡欲乞依上條
內除去注文經略安撫司管幹機宜文字官非一十三
字外即別無衝改前後條貫從之 十二月二十七日
吏部侍郎黃裳奏臣之女與右僕射魯布之子為親法
當迴避詔黃裳除龍圖閣待制知潁昌府 崇寧元年
六月八日吏部狀準批下簽書保信軍節度判官廳公
事蘓象先狀與本路運判韓宗武運 連仲游礙親
兩浙淮南轉運司已勘會到簽書杭州觀察判官葛平
恕申部對移本部將葛平恕作係用家便恩例注授依

本部今不許對移又緣平恕與象先係兩情願欲望依
運司所定本部勘會有礙條貫詔依逐人所乞今後更
有似此之人準此 大觀三年十月十九日臣僚言應
避親者當移一等職任不則辭尊居卑比來省曹寺監
避親例獲遷擢如余清向久中自員外郎除諸寺少卿
閻丘籲自太僕少卿除宗正少卿單諱自禮部員外郎
除衛尉少卿尤為僥冒詔今後六 郎官與丞 親更
不迴避 政和元年三月十二日樞 院奏如京使新
差權發遣河北沿邊安撫副使王拱 親足揆見任權
發遣安肅軍事正係轄下職事相干合該迴避詔王拱
特不迴避便令赴任 八月十三日臣僚言在京內外

局所應親戚職事相干或相統攝法所當避者欲乞並
令逐處檢舉依法如敢隱蔽尚容在任委御史臺覺察
詔立法聞奏今看詳修立下條諸在京內外官司職相
干或統攝係親法應避而隱蔽容留在京者委御史
臺覺察聞奏 六年十一月七日熙河蘭湟路經略司
言武翼大夫同總領洮州蕃兵將竇調有女近與本路
廉訪使者劉彥遵男為親竊慮依條合行迴避詔劉彥
遵罷廉訪使者今後廉訪使者不得與本路在任官為
婚姻違者依統屬為婚姻法 十二月三日臣僚言近
年見任官以親戚應迴避者往往得旨特不迴避伏望
申明條令改正施行詔除御筆令不許迴避外依奏

十六日臣僚言近嘗論列見任官以親戚迴避者比多得旨特不迴避竊惟嫌疑之際古人動加分別神考熙豐致治之際持之尤嚴臣前所奏陳僅及外路按察之官至於京師曾未暇也法令之行理宜自近詔令省臺寺監其合避之親申尚書省進入宣和二年九月十八日起復朝議大夫試吏部侍郎權開封尹王鼎奏契勘近除刑部尚書何志同係鼎妻之父職事相干依條合該迴避又緣鼎見任右選劇曹復兼尹事深恐力所不及欲望許引親嫌罷攝府政詔依罷權開封尹十月二日給事中葛次仲奏太宰王黼實臣親妹之夫而臣男娶黼女已言定其於門下省係統屬在法應避

伏望除臣在外一郡詔葛次仲除大司成 三年四月

十六日以朝奉大夫知舒州徐克溫奉議郎知高郵軍
曾纁兩易其任以避親嫌故也 二十五日臣僚言東

平府通判係朝散郎梁嚴祖提舉京東西路常平係中
散大夫梁楊祖提舉京東西路香鹽係朝請郎直秘閣
梁端其常平并香鹽司廨舍并在東平府其梁楊祖係
嚴祖之兄梁端係嚴祖之子世為東平府巨族以本貫
之法言之則端為監司而嚴祖不當在其部下以互察
之法言之則兩司不無按舉之嫌是三人者於法無一
為可今守臣並在一州所按察總當一路訪聞日逐判
引公事並在本家且泣官之所宛轉寅緣干求請託尚

或不免矧於鄉曲親戚相知常居其衙若引公事而歸
私室則一州之事從可知矣又況兩司不無人吏違法
不公事件其於互相覺察之法又如何哉如陛下以梁
楊祖嘗任執政官特為優假不欲使子并弟遠去侍下
則可與一子近便任使其餘若人才可用即乞別與一
路差遣無使父子叔姪併聚一州詔梁端移河北東路
提舉香鹽梁嚴祖與青州通判李執對移仍各通理前
任月日 命下未幾而嚴祖更不對移特與宮觀端依
舊京東西路鹽香對移指揮更不施行臣僚復
梁端與河北東路鹽香李謨對移 四年二月四日起
復光祿大夫行開封尹王革奏今臣南鼎蒙恩除刑部

尚書臣見任開封尹自來在京刑獄並係刑部統攝伏望許依著令以嫌引避詔蔡懋除刑部尚書王鼎移工部尚書 六年八月十九日中書省言新差蘇州路計度轉運副使郭倫狀為本路轉運判官張深係倫同堂妹夫申乞迴避政和敕稱親戚條母妻大功以上親字下專設姊妹之夫同於同堂姊妹之夫不合迴避詔令吏部申明遍牒行下 十一月二十七日尚書右丞宇文粹中奏臣弟時中以親嫌乞罷虞部員外郎職任已許迴避今衆議尚以職事進擬臣竊惟天府廼刑獄官司典治輦轂之下自來未嘗以執政子弟參佐府事而寺監長貳皆統屬於六聯今歲所降詔旨丁寧所當遵

守乞罷守宮祠詔宇文時中特除直秘閣管勾萬壽觀
七年五月四日臣僚言都水監隸工部孟今上御名
為都水使者其兄揆為工部侍郎法酒庫隸光祿寺許
渙為本庫監官其叔仔為光祿寺丞州郡隸監司趙適
知潁昌府其壻程芾為本路提舉常平皆以親嫌乞令
迴避以絕黨附之私從之 欽宗靖康元年四月二十一
七日中書侍郎唐恪言本宗兄恕除監察御史男璟除
大理丞臣備數執政實有嫌疑乞改除在外閑慢差遣
不允 五月六日御史中丞陳過庭言新右正言許景
衡乃臣同堂妹夫臺諫官事相關連同在言路有嫌乞
罷免中丞職事詔從景衡太常少卿以上續國朝會要

高宗建炎元年五月十五日京兆府路安撫使張深言
男安老見任本司幹辦公事乞對移鄰路合入差遣從
之 九月二十日詔黃潛厚除延康殿學士提舉醴泉
觀同張慤專一措置財用依舊提舉一行事務初上擢
潛厚為戶部尚書中書舍人劉珏奏潛厚乃尚書右僕
射潛善之親兄未有弟為宰輔兄為八座而同居一省
者兼潛善潛厚皆乞迴避故有是命 四年五月十三
日同簽書樞密院事張守言兩浙制置使韓世忠奏差
臣族叔銳知常州乃臣鄉里乞改差銳別州軍差從之
七月二日詔吏部員外郎鄭士彥改祠部員外郎以
士彥與吏部侍郎綦寔禮為姻家乞避親故也 紹興

元年十二月二日都轉運使張公濟言舊發運司盡降
降指揮諸路州縣官除真楊楚泗州監轉般倉排岸船
塲堰閘官係職局相干合避親嫌外餘應知通幕職州
縣官等雖係部下並不迴避今欲比附施行從之。二年
九月二日新除右司諫劉棐言監察御史李藹係姑舊
之子同處言地豈無黨與之嫌乞罷新命詔職事不相
干礙依條不合迴避十一月二十三日中書舍人胡
松年與新除左司諫唐煇為女壻松年以嫌乞外任輝
亦辭免新除詔不從三年三月二十三日福建路安
撫司言右承奉郎本司幹辦公事任良臣與本路轉運
副使劉案係姊之夫詔與主管機宜文字王傳兩易其

任仍各通理前任月日

在法機耳文字官與諸監司

雖親不避

九月十六日簽書樞密院事徐俯言洪枋

臣之甥今召赴都堂審察實有妨嫌詔洪枋更不審察

令閤門引見上殿

四年四月十四日新起居舍人陳

楠言妻鄧氏與右僕射朱勝非之妻同魯祖小功親若

在後省實有妨嫌詔改除太常少卿

五月五日工部

員外郎章傑言從兄僅任軍器監丞又工部侍郎

遲

為傑之從母夫詔與倉部員外郎江公亮兩易其任

八月二十四日知樞密院事趙鼎言宗正少卿范冲除

起居郎臣與冲姻家雖法不當避而搢紳不知出自聖

意必謂臣援引親黨乞罷冲新除依舊任從之 九月

七日新除起居舍人虞灃除直龍圖閣江南東路提點
刑獄以灃乃僉書樞密院事胡松年妻之兄松年自
言臣叨聯政府雖於二省進擬人材初不干預在人情
則委有妨嫌灃亦自列請外故有是命五年閏二月十
九日權主管殿前司公事劉錫言王璣除主管侍衛馬
軍司公事係妻妹之夫竊慮於軍政有妨嫌詔不許迴
避六年九月十五日詔四川都轉運使可依江淮六
路發運使副例見任官內有合迴避親並免迴避七
年八月二十六日秦彬言先蒙江東路安撫司辟差充
營繕幹辦官今弟檜見任樞密使而臣於行在供職實
有妨嫌詔特差充兩浙東路安撫制置大使司幹辦公

事是時車駕駐驛建康而江東安撫司亦在建康故也八年十一月五日參知政事同提舉詳定一司敕令孫近言乞罷男大雅見任詳定一司敕令所刪定官詔與外任十年十月六日太常寺主簿蘓籍言禮部侍郎蘓符係臣堂兄乞迴避禮部契勘主簿職事止是主管簿書詔免迴避十一年四月四日將作監丞李若言昨除司農寺丞以本寺卿李若虛係臣親弟合迴避詔與將作監丞王言恭兩易契勘將作監統轄文思院上下界而幹辦文思院上界李若川亦係臣親弟又有妨嫌未敢供職詔特免迴避七月八日知太平州王禔言江東轉運副使王暉係從兄弟詔與知處州朱亮功

兩易其任 八月五日提舉江南東路茶鹽公事鄭僞
年言江東轉副使王暉係親姊之夫有諸司互察之嫌
詔與提舉兩浙市舶王傳兩易其任 九月二十六日
大理卿周三畏言左斷刑寺正許絳與左斷刑少卿薛
仁輔係婚姻之家合迴避詔許絳與大理寺丞李景山
兩易其任 十三年九月二十四日軍器監主簿王暉
言工部侍郎王暉係臣本宗有服兄乞迴避詔王暉與
太府寺主簿詹棧兩易其任 十四年五月四日知宣
州秦梓言新除本路安撫大使張守係臣前妻之親叔
乞迴避不從 二十一日權發遣仙井監何伯熊乞避
本路提刑何掄親嫌詔與知懷安軍羅萬兩易其任

二十五年十月三十日秦熈言舅王魯見知平江府乞與知建康府宋貺兩易其任庶得相聚照顧家屬從之

二十八年六月二十七日詔福建帥沈調廣東帥蘓簡措置海寇有功各進職推賞宰臣沈該以親嫌乞行寢罷上曰慶賞刑威之設所以待功罪有功而不賞何以示勸卿兄自以措置海寇被賞非恩例所得何辭免之有三十年三月十五日中書舍人沈介言準中書門下省送到詞頭貳道為莫伯甄除潼川府路轉運判官莫伯虛降一官竊緣伯甄係介母之兄伯虛係介母之堂兄服紀相妨詔時暫差楊邦弼撰述以上中興會要

孝宗隆興二年十月十七日給事中吳芾奏參知政

事王之望係臣姻家臣備員後省理合避嫌詔改除吏部侍郎 十八日總領淮西江東軍馬錢糧專一報發御前軍馬文字楊俊劄子伏為父存中除同都督江淮軍馬見在建康府置司委有妨嫌乞迴避詔特免 十一月二十五日起居郎權中書舍人何備劄子奏伏覩今月十七日麻制陳康伯拜左僕射康伯係臣再從姊之夫自合迴避詔特免 乾道三年正月十三日臣僚言伏見近日臣僚因避親而求換易或丐罷而別乞差遣者如臨安府通判沈雲卿迴避本路提刑姚憲陳乞兩易據其所申踏逐到明州通判錢璘不曾會問璘既不樂換易而雲卿徑行之任秀州通判周極迴避本路

漕使周滌陳乞解罷以知縣資序遷授盱眙軍而去公
論不平咸謂雲卿以力取極以巧得奈亂格法起軼資
序若使後人倣此是因避親而得美官豈不長奔競之
俗而成攘奪之風哉欲望聖慈並賜罷黜以為貪得躁
進者之戒詔沈雲卿依奏與宮觀理作自陳周極與見
關通判差遣 六年二月十五日福建路提點刑獄公
事吳龜年言伏覩新除本路帥臣薛良朋係龜年妻之
叔父雖於服屬稍踈緣職事相關切慮合該迴避詔吳
龜年除江南西路計度轉運副使 七年六月三十日
詔左翼軍統制趙渥特免迴避王友直指揮更不施行
以臣僚論列故也 臣僚上言近覩錄黃殿帥王友直

奏男娶左翼軍統制趙渥之女即目渥雖駐劄泉州緣
是部曲拘礙親嫌已降指揮特免迴避竊恐自後諸軍
見有回避之例漸開不避之端不可以不論臣嘗見主
帥與將佐姻連者多矣當其無釁也上則曲意容庇下
則恃勢妄作積弊日深軍政遂壞及其交惡也小則紊
煩朝廷大則誤敗國事如近年劉錡之於劉汜不避子
姪之嫌吳璘之於姚仲不避姻家之嫌敗事失職天下
迄今恨之欲乞下臣此章令諸軍不得輒容合避之親
充填本軍將佐有未經改正者並仰日下自陳庶幾申
嚴國法振起軍政非細務也故有是命 九年九月二
十九日臣僚言臣竊見監文思院上界門傳伯高係中

書門下省檢正諸房公事傳自修親姪近緣自修時暫
兼權工部侍郎其文思院正係工部所轄合行迴避伯
高遂自踏逐省倉上界監門董陝對換更不取本人願
狀董陝不甘陳訴再降劄子候伯高任滿日却還舊任
臣契勘伯高既係自修葦親在法即合解罷初無許行
對換明文兼伯高亦合取對易人願狀同共陳乞乃倚
力營求至乞四降朝旨抑勒孤寒幾於攘奪欲望睿斷
令伯高日下解罷庶幾不壞成法從之

全唐文

宋會要

黜降良一

太祖建隆四年十月一日德州刺史何隱責亳州別駕先是隱擅出軍食為判官郭象所發按之得實故黜隱而升象為祠部員外郎權知州事 六月亳州蒙城令朱英奪兩任官先是英自通事舍人出為縣令上言願與同列王信等校其能既而宣贊不及信等故黜之十九日翰林學士中書舍人扈蒙責左贊善大夫先是左補闕仇革奉命監市征於迎鑾鎮蒙嘗薦僕夫扈繼達于革至是繼達盜官鹽洎獄具來上太祖怒之故有是命 乾德二年正月十日祠部郎中知制誥充史館

修撰張澹責左司員外郎先是秘書郎直史館張去華上章訴居官久次且言澹及知制誥盧多遜殿中侍御史師碩等文學膚淺願與較其優劣太祖臨軒策試仍命翰林學士承旨陶穀學士竇儀吏部尚書張昭知制誥趙逢高錫考其程式乃以去革為右補闕以澹所對不應策問故有是命 五月四日屯田員外郎知制誥高錫責萊州司馬以錫發書薦僧妄求恩澤將命出使道途非理責人蕃鎮無名受賂故及於責仍令御史臺差人監送貶所 九月一日周易博士奚嶼責乾州司戶叅軍庫部員外郎王貽孫責左贊善大夫翰林學士承旨禮部尚書陶穀奪兩月俸先是國家遵舊制臺省

六品諸司五品已上官皆得蔭補歲令兵部禮部試念
書精通者中選至是穀請補其子郤為殿中省進馬太
祖遣嶼等試之郤所業未精穀私請於嶼嶼即以郤合
格聞為人所發下御史府按之以嶼受穀請求而貽孫
不之覺故有是命 三年正月十六日吏部郎中鄧守
中責本曹員外郎先是守中試諸司吏書判考覆不當
太祖命覆試黜退數人故有是命 太宗太平興國六
年十一月三日膳部郎中侍御史知雜事滕中正責本
曹員外郎依舊知雜事先是監察御史張白坐知蔡州
日假貸官錢三百貫糴粟麥居以射利棄市中正坐薦
白故也 七年四月二十一日中書舍人史館修撰判

館事李穆責司封員外郎生與盧多遜同門生頗與多
遜厚善為言事者所發故也 八年四月十一日威塞
軍節度使判潁州事曹翰削奪在身官爵御史臺遣中
護送登州禁錮先是翰知潁州部內不治汝陰縣令孫
崇望詣闕擊登聞鼓送翰盜用官錢擅築烽臺私蓄兵
器擅補牙官取官租羨利錢五百萬絹百疋諸不法事
帝怒命膳部郎中知雜膳中正就鞠之翰具伏獄咸來
上法當死命百官集議工部尚書李昉等奏議曰曹故
身備將壇職當郡寄不守法度黷亂紀綱請如有司所
定寘于極典帝以其勞舊未忍寘于法故止行黜削
十二月二十六日右補闕直史館胡旦責殿中丞

商州團練副使依分司官吏支給半俸仍不得簽書州
事先是旦獻河平頌帝覽之震怒召宰相謂曰胡旦所
獻頌詞意悖戾朕自擢于甲科歷試外任所至無善狀
知海州日為部下所訟獄已具適會大赦朕錄其才而
舍其過尚令在近列又領史職乃敢自恣冒臆狂躁如
此今朝多君子如此人豈宜尚列於侍從耶亟逐去之
且以其頌下史館中書舍人史館修撰王祐等奏議曰
胡旦幸以常材謬登上第職在史氏身備諫垣而乃獻
頌明廷發泄私憤謗譴聖代指斥大臣躁人詞多前代
尤戒下流訕上先儒所惡宜加竄逐以肅縉紳故及於
責 雍熙二年三月二十二日祠部員外郎知制誥蘇

易簡罷知制誥初命易簡與黃中等同知貢舉各以子弟甥姪籍名求別試易簡妻兄進士崔範故職方員外郎憲之子也憲死易簡以外服請告範服未闋易簡隱而不奏薦名在高等又有王千里者故水部員外郎孚之子也孚在蜀為翰林學士易簡父協即父之門生易簡以故薦千里帝聞之甚怒範及千里並加罪仍令御史劾易簡于私第罷職 四月十六日判四方館使田仁朗責商州團練使令御史臺遣吏監送赴任初李繼遷率蕃部屢為邊患是歲二月攻麟州汝州團練使曹光實領兵徼巡為其所誘而沒久圍三旌寨麟州馳驛以聞遣仁朗與閤門使王侁宮苑使李繼隆閤門副

使董愿馳發邊兵數千擊之仁朗至綏州駐月餘奏請
益兵於是三旌寨蕃將折御屯殺監軍使者與繼遷合
帝聞之大怒亟遣軍器庫使劉文裕自三交疾馳代仁
朗赴闕下御史按問仁朗陷三旌狀對云所徵兵在銀
綏夏等州本州以城守為備不遣有兵千餘乃曹光實
舊卒器甲不完故請益兵轉運芻粟復未備三旌寨與
綏州道遠非元詔所救也昨臣已定擒繼遷策會詔至
其謀不果因言繼遷得蕃情願且降優詔懷來之或懸
厚賞以誘部落酋長令斬其首不爾恐佗日漸難為制
雖大益兵深入其地無益也臺司以聞帝大怒切責憲
府官吏御史遂重劾之法司以乏軍興者斬征人違期

二十日者紱帝止令降黜焉是行也仁朗誠為稽緩然計已決而為王伉等媒蘖構成其罪故及於貶 三年七月三日天平軍節度使兼侍中曹彬責右曉衛上將軍河陽節度使崔彥進責右武衛上將軍內客省使郭守文責右屯衛大將軍天武四廂都指揮使傅潛責右領軍衛大將軍沙州觀察使杜彥圭責均州團練副使光州刺史陳廷山責復州團練副使仍不得簽書州事亳州刺史蔡玉除名配商州文薛繼昭降供奉官彬守文替坐違詔逗遛退軍失律士多亡死彥進坐違節制彥圭坐不容軍士哺食玉坐畏懦伏匿廷山坐汾州會戰失期繼昭坐先謀退陣刑部請據律皆處斬以三品

議責翰林學士賈黃中等上議請議如律詔從寬宥而
及是責 八月十五日忠武軍節度使檢校太師潘美
削三任為檢校太尉西上閣門使蔚州刺史王侁除名
金州軍器庫使順州團練使劉文裕除名配登州先是
王師北征以美為雲應路行營都總管命雲州觀察使
楊業副之及侁以文裕護其軍連援雲應寰朔四州次
桑乾河會曹彬之師不利諸路班師美等復歸代州未
幾詔盡遷四州民於內地令美等復歸所部兵護之時
契丹領衆十餘萬復陷寰州業謂美等曰今賊勢甚盛
不可與戰朝廷祇令取數州之民但領兵出大石路先
遣人密告雲朔州守等將俟大軍離代州日令雲州之

衆先出我師次應州契丹必悉衆來拒即令朔州吏民
出城直入石碣谷遣强弩千人列於谷口以騎士援於
中路則三州之衆萬全可保矣佺沮其議曰領數萬精
兵豈必如是之畏懦耶文裕亦贊成之業曰不可此必
敗之勢也佺曰君侯素號無敵見敵逗撓不戰豈有它
志手業曰業非畏死盖時有未利徒殺傷士大功不立
今君責業不以死當為諸公先死爾即率帳下騎馬自
石碣路趨朔州將行泣謂美曰此行必不利業太原降
將當死帝不殺我寵我以連帥授我以兵柄非縱虜不
擊盖將立尺寸功報陛下耳今諸軍責業以避敵當先
死於虜因指陳家谷曰君侯於此張步兵强弩為左右

翼以援業侯業轉戰至此以步兵擊之不然者無遺類
矣美即與先領麾下兵陣於谷口自寅至巳旣使人登
托邏臺望以為虜寇敗走旣欲爭其功即領兵離谷口
美不得制乃沿灰河西南行二十餘里俄聞業敗即麾
兵却走業力戰自日中至暮果至谷口望見無人即拊
膺太慟再率上下士戰身被數十創其子延昭死馬悵
下士殆盡業猶手及數十百人馬重傷不能進遂為虜
所擒因太息曰帝遇我厚為姦臣所逼使王師敗衄何
面目於虜中求活哉因不食三日死天下寃之聞者皆
為流涕 四年十月十七日右驍衛上將軍劉廷讓除
削在身官爵送商州安置先是廷讓為雄州兵馬總管

以疾上聞不待報擅離治所故及於責端拱元年三月十五日鐵監副使戶部郎中陳象輿責復州團練副使度支副使刑部郎中董儼責海州團練副使司封員外郎知制誥胡旦責坊州團練副使右正言直史館梁顥責號州司戶叅軍坐樞密副使趙昌言之黨也象輿素與昌言善儼旦皆昌言同年生顥又嘗在昌言幕下四人皆厚善日夕多會於昌言之第故京師有陳三更董夜半之言先是有傭書人翟穎者姦險誕妄素與胡旦親狎且知可使乃作大言怪誕之辭使穎改名馬周以為唐馬周復出也其言多排毀時政自薦可為天子大臣及力舉十數人皆公輔之器令昌言內為之助人

多識其辭氣知且之為也會京尹陳王使親吏儀贊廉
知其事捕馬周繫獄時張去華為府判官親窮治之以
其狀聞帝怒杖馬周脊黥而流海島禁錮終身昌言等
並加貶黜十九日鄭州團練使侯莫陳利用除名配
商州禁錮利用西蜀人始賣藥於都市多變幻之術眩
惑閭里時柅密承旨陳從信得之以為方士遂聞於帝
即日召見驟加恩遇遂厯職內外累至單州刺史鄭州
團練使前後賜與寵澤莫二時以左道得幸無復畏憚
所為不法至於居處服玩皆僭乘輿宮殿之名佗亦稱
是依附者頗獲薦舉士君子畏其黨而不敢言會趙普
再入中書廉得其狀乃力言於帝前盡發其事而遣近

臣就按咸得姦狀故貶竄馬普復言以為利用罪重責輕未塞天下之望存之何益帝不獲已尋賜死於商州既而悔之遽遣使馳傳以免其死使者至新安廐置馬踣墜傷其趾追不能及利用以已磔於市聞者快之淳化元年二月十八日崇儀副使王惟德責殿前承旨殿中丞王淮責濠州定遠縣主簿宦官侮懷志杖脊配隸忠靖生監香藥權易院姦賊為部下所告鞠得錢二百七十六萬故也淮叅知政事沔之同母弟事發自度當死遂從闕下亡命有司召捕踰月不獲沔方得幸頗慚憤因上表待罪獄已具惟德等皆坐棄市帝方寵待沔故盡貸其死但責降馬淮數月自歸沔以聞詔令沔

就私第杖一百遣之任 二年二月二十二日降狀州
防禦判官史堯為滄州司馬封川縣令李孚為棗州司
馬徐州彭城縣令傅昭遜為曹州司馬先是帝勵精為
治分命使者按行郡國州縣吏有貪汙不親事者以名
聞常叅官即授以諸司副使京官及幕職州縣官並以
上佐文學叅軍處之至是首黜堯等以懲簡慢 九月
二日左司諫知制誥判大理寺王禹偁庫部員外郎知
制誥判刑部宋湜祕書丞權大理正李壽左贊善大夫
刑部詳覆趙曦左散騎常侍徐鉉開封府判官左諫議
大夫張去華皆免所居官仍削一任續責禹偁商州團
練副使湜均州團練副使鉉靜難軍節度行軍司馬去

華安遠軍節度行軍司馬坐廬州尼道安嘗請開封府
訟兄蕭獻臣嫂姜氏不養母姑府不為理械繫道安送
本郡至是道安復擊登聞鼓自言嘗訴兄嫂不孝嫂姜
氏徐鉉妻之兄女鉉以尺牘請託張去華故不為治且
誣鉉與姜姦帝頗駭其事以道安獻臣姜氏及鉉去華
屬吏獄具大理寺以鉉之姦罪無實刑部詳覆議與大
理寺同尼道安當反坐帝疑其未實盡捕三司官吏繫
獄而有是命 九月以左正言尹黃裳知邕州馮拯知
端州右正言王世責知蒙州洪湛知容州先是黃裳等
五人伏閣上疏請建立許王元僖為儲貳詞章狂妄帝
怒不加罪但宥之以黃裳世則湛先直史館盡解其職

右正言宋沆生呂蒙正親嘗先斥至是始黜黃裳等
十一月十一日工部侍郎雷德驥責感德軍節度行軍
司馬其子少府少監有終責衡州團練副使孫祕書省
校書郎孝先除籍配隸均州禁錮坐帷薄不治為其壻
如京副使衛濯所訟帝以德驥大臣不欲暴揚其事特
免鞠劾而有是命 三年五月十四日戶部郎中知陳
州田錫責海州團練副使通判殿中丞郭渭責郢州團
練副使並不簽書州事著作佐郎東野日宣免所居官
仍削三任大理評事張熙績出為鳳州河池縣令先是
部民王裕被酒與里中民張矩相詬是夕為矩所殺方
輿尸棄野次裕壻孫忠適見矩問矩妻父何在矩詭以

對因又殺忠家人訴於州凡禁繫七十日長吏不慮問
家人不勝其冤詣闕擊登聞鼓召遣熙績馳傳就鞠之
具得其狀獄已具大理疑其詞未盡遣日宣再劾之日
宣平反張矩云王裕孫忠非其所殺裕家甚冤其子福
詣闕應募為軍因引對自言曰臣非願隸軍籍蓋家冤
求見縣官自訴耳備陳本末帝怒命御史府鞠之張矩
果殺人寘于法而錫等皆抵于責 十一月九日給事
中李惟清責衛尉少卿鹽鐵判官倉部郎中李琯降本
曹員外郎坐任鹽鐵使日淮南權貨務賣岳州茶斤為
錢百五十五主吏言二十六萬六千餘斤陳惡惟清擅減
斤五十錢不以聞虧損官錢萬四千餘貫為勾院吏盧

守仁所告詔罷惟清使劾之而有是命 三十日開封
府判官右諫議大夫呂端降衛尉少卿推官職方員外
郎陳載降殿中侍御史坐裨贊許王無狀也 四年閏
十月十三日翰林侍讀左司諫呂文仲直祕閣免侍讀
之職文仲先受詔祕書丞直史館陳堯叟同巡撫闕右
闕右民訟官官方保言聚斂括克凡獻狀者百餘人文
仲等以其事聞帝怒急召保言至反為保言所訟因下
御史府驗問文仲等所坐昏細事而保言增酒權及他
事以困民受弊文仲文吏異悞恥與保言對但俯伏請
罪因解職堯叟亦罰銅免罪既而帝知其故復有此命
五年正月十五日侍衛馬軍都虞侯峯州觀察使王

榮貴右驍衛大將軍榮少有膂力能引強弓給事故瀛
州防禦使馬仁瑞充廝役帝在晉邸日得隸左右既而
擢領禁兵與故涪王廷美帳下親吏相厚因狂言曰我
不久當得節鎮為仁瑞之所告帝怒削籍流海島雍熙
中召還復總兵柄率兵屯定州所為多不法侵取官草
場地為蔬圃恠惜官錢不以犒士卒母年老不迎養但
置于村舍中供給甚薄首飾止銀釵而已帝聞而怒曰
忠臣出孝子之門榮事親如此又嘗經竄逐性兇率不
改豈可復在左右當寘于法第以其舊人為忍耳趣令
貶降故有是命 三月三日前西川轉運使給事中樊
知古降知均州先是青城縣民王小波李順繼聚徒為

亂陷郡縣殺官吏知古在任轉運使脫身乘善馬離所部詣闕自歸求見帝謝罪不得對令中使問狀知古具伏擅離所部撫御無狀時有之而有是命 二十一日三司河東路判官左司諫張觀黜知道州先是三司官吏多上書言事無益于理命總計使陳恕諭令各司其局無或出位觀因上疏陳述拾遺補闕之任自唐則天始建此官迄今數百年居侍從之列當言責之任不可失職帝覽奏謂宰相曰近以三司官吏多不率職故申警勵且令非兩省諫官不言時務况諫諍之任自古有之仲尼所謂天子有爭臣七人是也今觀乃引武后妖亂之世以諷朕躬援引如此殆無人臣之禮俾守遠郡

尚為輕典 十月九日右諫議大夫知秦州溫仲舒降
知鳳翔府先是仲舒在秦州日內附蕃部有居於渭河
之南者多占山林每官伐木入其境必厚賂遺之仲舒
欲得其地因驅之於渭北乃立堡寨以限之已便宜行
而上聞帝覽之大駭曰仲舒頃在朕左右亦合少知道
理何得不俟朝旨邊境之上輒敢生事古之伊洛之間
尚羗戎離居彼蕃戎之性易動難安仲舒無故驅逐之
萬一有徵發又重煩關右之民也乃命使往安撫其帳
族而有是命 至道元年正月二十日西京作坊副使
度支都監趙贊削奪在身官爵配隸房州禁錮所在馳
驛發遣西山閣門副使鹽鐵都監鄭昌嗣責唐州團練

副使不簽書州事既行盡於所在賜死 贊故太原軍
小卒誣告軍中謀叛劉繼元盡屠之以贊為內職歸朝
隸三司為走吏因告訐本司事復為殿直恃險詖捷給
奸言利害帝頗任使之會改創三司官屬以贊為度支
都監益恣橫所為皆不法昌嗣金陵人亦自三司走吏
稍遷為侍禁因言事得與贊親比厚善亦橫恣不法帝
頗知之會上元張燈上清宮成帝駕初臨幸都人尚未
得游觀宮中三清閣佗人不得至贊與昌嗣率其黨數
輩犯關而入攜妓樂登閣飲宴通宵掌舍宦官不能禁
止因以其事聞帝怒已先知其恣橫猶疑之至是以前
事並實因下詔斥逐既而盡縊殺之中外莫不稱快

十月四日前陝西路轉運副使工部員外郎鄭文寶責
郴州藍山縣令所在馳驛發遣轉運使吏部員外郎盧
之翰責國子博士轉運如故先是文寶建策築清遠軍
及禁戎人賣鹽致關中繹騷之翰心知非便以文寶方
言事得幸雷同其議至是帝怒并責之 二年七月十
日陝西都轉運使刑部郎中宋太初責懷州團練副使
轉運使吏部員外郎盧之翰副使祕書丞竇玘並除籍
以之翰為許州司馬玘為商州司戶並員外置供奉官
閤門祇候李守仁決杖配隸汝州禁錮坐違制發軍糧
詣靈州為李繼遷所剽劫故也 九月八日靈州環慶
清遠軍路馬步軍都總管會州觀察使田紹斌責率府

副率號州安置先是詔紹斌領兵於晉樂河應接裏送
糧草入靈州尋遇番賊劫虜拋失官糧準律守備不設
為賊所掩覆者斬準令五品已上犯非惡逆以上聽自
監特從寬宥三年四月二十七日兵部郎中知制誥
史館修撰胡旦責安遠軍節度行軍司馬旦草行慶制
詞頗恣冒臆多所溢美語復訛上故也真宗咸平元
年三月十五日大理寺丞知開封府功曹叅軍陳質責
道州寧遠縣令質獻宮詞言多鄙艷故也二年六月
十一日大理評事葉齊責郢州別駕齊先直史館坐上
疏率易免職至是拜章益狂妄故有此責三年正月
一日前光祿寺丞李永錫責康州瀧水縣主簿權戶部

判官殿中丞皇甫選責南劍州團練副使時永錫居父
喪大言厯詆近臣自謂有致太平滅虜之術選因表獻
且稱薦之及追赴行在試策問與所言異故並黜之
七日鎮定高陽關三路行營都總管侍衛馬步軍都虞
侯忠武軍節度使傅潛都鈐轄西上閤門使富州刺史
張昭允並奪在身官爵潛長流房州昭允長流通州
初潛與昭允及內侍都知秦翰領兵屯定州以備戎而
潛畏懦無方畧始戎入攻狼山寨圍威虜軍公邊城堡
悉飛書告急潛麾下步騎凡八萬餘咸自置鐵槌鐵捶
人蓄銳氣爭欲擊賊而潛閉門自守將校請戰者輒醜
言罵之無何虜破狼山諸寨悉銳以攻威虜兩夜不勝

遂引兵畧寧遠軍入祁趙大縱鈔劫鎮定路不通者踰
月朝廷屢問道遣使督其出師而范庭召桑贊秦翰等
屢從之皆不聽不得已乃分騎八千步二千步付庭召
等於高陽關逆擊之仍許出兵為援洎庭召等與虜血
戰而潛不至康保裔遂陷于賊及帝將親征又命石保
吉上官正自大名領前軍赴鎮定與潛會而擊虜潛卒
逗遛不發以至虜騎渡河湊淄齊皆潛翫兵養寇之所
致也帝駐大名而邊捷未至且聞驍將楊延朗楊嗣石
普輩屢請益兵潛不之與有戰勝者潛又抑而不聞繇
是大怒命樞密都承旨王繼英召潛與石保吉等各以
所部兵赴具冀路行營潛至冀州乃遣高瓊即軍中代

之令潛等詣行在至則下獄命工部侍郎錢若水御史中丞魏庠知雜御史馮拯按劾之一夕而獄具罪當斬百官議請如律上封者皆請正刑典詔特貸其死中外公議無不憤惋 二月十八日鎮定高陽關路先鋒使刑州觀察使田紹斌責率府副率先是紹斌為先鋒次定州蕃賊圍威虜軍紹斌等發書與傳潛只今於唐河南岸排陣被城相殺故潛等只在定州不出城救應致蕃賊燒劫城寨殺虜萬民勞煩聖駕巡幸河北準律主將守城若不覺賊來為賊掩襲至城外入兵有覆敗者斬傳潛前案已於死刑上奏斷訖紹斌合於傳潛死刑下為從流三千里私罪故及是責 四月二十五日左

諫議大夫知益州牛冕削籍流儋州西川轉運使祠部
郎中直集賢院張適削籍為連州叅軍初成都既陷冕
適失守奔漢州詔令赴闕行至永興軍就命制劾法官
議冕當死詔特貸焉其通判已下並第加貶黜七月
二十九日知郾州職方員外郎馬襄通判祕書丞孔勗
巡護河隄左藏庫副使李繼源並削兩任繼源配隸許
州餘官降責有差以河決故也十月十五日前知磁
州如京使劉蒙正責亳州團練副使坐擅乘驛馬也
十六日濱州防禦使王榮削籍流均州榮帥兵援糧於
靈武素無術畧又不嚴斥候至積石夜為蕃賊所鈔營
部大亂死者甚衆以其嘗有戰功特恕其死十一月

一日環慶副總管博州防禦使徐興鈴轄六宅使李重誨並削籍興流鄆州重誨流光州副總管慶州團練使孫進責復州團練副使都監內殿崇班張焄責舒州教練使興重誨坐與王榮喪師於積石進擬以擅離所任赴闕故也 四年閏十二月十日邠寧涇原環慶州副都統管楊瓊流崖州副總管海州團練使潘璫流康州鈴轄尚食使李讓內園使馮守規流瓊州都監崇儀使張繼能流儋州西京左藏庫副使劉文質流雷州如京使順州刺史知環州王懷普流賀州初遣賊攻清遠軍瓊等不時赴援以至陷沒賊退不追捕復棄青崗寨禁其軍儲詔御史臺按劾之獄具罪當斬首百官議請論

如律帝念其舊勞故宥其死 五年四月十四日比部
員外郎直史館洪湛削籍流儋州工部尚書兼御史中
丞趙昌言膳部郎中兼侍御史知雜事范正辭並削一
任昌言責安遠軍節度副使行軍司馬正辭滁州團練
副使推直官殿中丞高鼎主簿王化並削兩任鼎責蘄
州別駕化黃州叅軍先是益州民常德方訟劔州臨津
縣尉任懿咸平三年應學究舉用賄登第詔御史臺鞠
之昌言因逼其友黨令引叅知政事王欽若帝察其不
實今翰林侍讀學士邢昺內侍都知閻承翰工部郎中
知曹州邊肅虞部員外郎知許州毋賓古覆按之懿具
言納賂於湛得奏名故竄出叅而昌言等以故入欽若

罪并有是言 六月三日以工部郎中陳若拙為刑部
郎中知潭州翌日追還制書仍舊知處州若拙任京東
轉運使被召自以為將膺顯用洎受命頗不自得請對
固辭且言嘗任三司判官轉運使今知潭州乃類責降
復以親老為辭帝曰潭州大藩朕以方面擇人所委不
在轉運使下況輔相舊人亦出典藩郡若拙懇訴不已
故有是責 咸平五年七月六日殿前副都指揮使保
靜軍節度使王漢忠降左屯衛上將軍坐率兵護邊違
詔無功也 十月十三日司封員外郎高如晦削兩任
為沂州別駕先是叅知政事王欽若言如晦向分符竹
出蒞蔡州逃主戶三千五百九家失國賦五萬三千餘

賁薦士有十否之謬在官無三異之稱引對素有職同
理考自經服制誠非天吏失於與進軒檻不能燭幽而
靡知省循冒進詞狀且曰陛下止見臣面不臣心不能
恤臣故令擯守終身抱恨非外損傷以此而言無罪可
坐任躁之甚乃敢若茲如晦自陛下登極以來兩經任
使計度鐵冶差知蔡州奏云場務皆有羨溢而虧失稅
錢甚多人戶亦不凋殘而逃散主戶頗衆無功罔上怨
天尤人且竊議腹非尚歸司敗况妄形奏疏仰瀆聖聰
臣謬玷台司莫敦薄俗安敢僥倖顧位脂韋惜言蓋路
馬者必誅指乘輿者有法請以審官院考課文籍并如
晦所進狀付有司施行詔以如晦付御史臺劾罪而有

是命 二十五日右僕射判永興軍府事張齊賢降太
常卿分司西京先是故相薛居正子惟吉妻柴氏無子
惟吉有子安上安民家甚富柴素與二子不叶既寡盡
蓄其祖父金帛計值三萬緡并其書籍綸告以謀改適
齊賢安上詣京府訴其事柴復訟宰相向敏中錢質居
正故弟又嘗求妻已不許以是教安上誣告母且陰庇
之柴又伐鼓訟益急遂并其狀下憲司鞠之而敏中實
質安上居第於是罷敏中相并黜齊賢削宗晦一任貶
海州別駕柴用蔭罰銅百觔以所得廩藏財貨贖還其
第 六年五月二十四日霸州防禦使鎮州副總管李
福削籍流封州拱聖軍都指揮使王昇決杖配隸瓊州

初望都之敗中使入奏且言當戰有引師而旋者乃命
宮苑使劉承桂供備庫副使李允則馳驛按問獄具流
竄福等餘皆決杖配隸 二十五日度支使陝西制置
使右諫議大夫梁鼎罷使守本官先是鼎議鹽法公私
大擾儲峙益空詔張詠等與鼎會轉運使叅訂鼎前議
公私非便鼎又請復舊商販遂及於責 七月二十四
日沿邊都巡檢使西上閣門使康州刺史李繼宣責如
京副使先是藩賊至保州寧邊軍界虜劫人口資蓄繼
宣領師觀望寇戎遷延不救援故及於責 景德元年
九月二十日陝西轉運屯田郎中楊覃降知隨州工部
員外郎直史館朱台符降知郢州取便路赴任先是台

符多謀改革覃止務因循殊乖輯睦日有異同遣使按問事理違戾故及於責仍令御史臺傳告諸路轉運使副各令儆勵二年正月十九日侍衛馬步軍都虞侯天平軍節度使王超降崇信軍節度使便道之任坐北戎犯塞留屯外屏當督護之權乏驅攘之効稽違詔旨緩失師期故出 四月二十日樞密直學士工部郎中權三司使劉師道責忠武軍節度行軍司馬仍不得簽書本州事右正言知制誥陳堯咨責單州團練使先是師道弟幾道進士禮部奏名將預殿試近例糊名考較堯咨嘗為卷使刺針眼為識驗既擢第事泄詔落幾道名籍永不得預舉帝含容不復窮理師道故求辯對乃命

東上閣門使曹利用內侍省副都知閻承翰兵部郎中
還肅就御史臺雜治之師道坐誣罔論奏堯咨引次前
事故有是責 八月十一日翰林學士右諫議大夫知
制誥迥責左司郎中充職給事中知澶州馮起責左諫
議大夫淮南轉運使侍御史鞠衣謀責殿中侍御史並
依前在任先是辛澶州歲迥等為守留雍王元份府僚
有劫盜繫右軍巡獄款狀未具而繼獲餘黨既至見徒
謀奔竄獄吏不能制遽遣巡邏擒捕主吏恐復亡亟折
其足元份始聞獄亂怖苦又不忍其酷法以至疾作帝
以元份疾未痊釋而不問元份薨乃有是責 三年五
月六日萊蕪監判官歐陽晃責連州司戶晃求應賢良

方正而大言自薦以姬旦臯夔爲比且云使臣日試萬言一字不改日覽千字一句不遺由是促召赴闕中書試五論三頌詩四十首共限萬言題既出晁惶駭自陳止應賢良不應萬言幸無假貸乃以所上表示之晁不復言至晡但成五論一頌共三千字既奏御帝令問表中所陳條目晁伏躁妄之罪故責之 八月十日工部侍郎董儼責山南東道節度行軍司馬不簽書州事儼性貪躁急於進用前是工部員外郎黃觀罷益州路轉運使歸閬儼嘗在計司即告知雜御史王濟言於觀求薦已知益州俄而觀復領陝西轉運得對便殿儼謂必薦已一日上殿遽言黃觀智識膚淺素無持操恐爲執

政者所使妄相論薦俾臣遠適辭甚懇激殊不知觀未嘗敢言也帝不之詰數日濟對言有息女歸儼之猶子慮合差使願不與儼同事又言儼嘗託告黃觀求薦知益州臣尋語觀儼性猜詐不可為言帝不欲暴揚其事乃出儼知青州儼既辭復久對自陳忽授外任慮為權臣所擯帝慰遣之而不去帝不得已乃謂之曰爾自告黃觀求知益州復有何人排爾儼瞿然自失涕泗交下乃曰觀曾言益州須是臣往彈壓濟亦嘗言及帝以其辭不類因令具狀件數當為對辯儼不得已而獻狀於是召濟質同仍遣使詣陝西令觀具本末以聞觀奏云非自川西歸闕儼問益州張詠疾狀何如自到以稍痊

又問臣詠求替否臣因言益州人傳云董侍郎丁諫議
來此餘無他語翌日王濟語臣云董儼昨日三遣其姪
來託告舉知益州言豈敢及此濟云慎勿舉之異時必
為所累觀又奏先朝淳化中儼為度支使臣為判官儼
知臣不飲酒因重陽聚會觀酌一卮勸臣飲盡臣強飲
五分有頃趙贊遣人名臣議事臣即往贊視曰飲酒耶
臣且以實對翌日儼即與贊密奏臣多酒廢職儼素待
臣如此又臣素知其事猥濫安肯許其彈壓藩鎮此足
明儼欺罔遂命樞密直學士劉綜與御史雜治之儼引
伏乃有是責 十月十三日兩浙轉運使起居舍人直
史館姚鉉除名為連州文學鉉在任鬻銀多取直託湖

婺睦三州長吏市縑帛不輸征算占留州胥左司又擅
增修解字貿部內子女為知杭州薛映所發法寺議罪
當奪一官特詔削籍而映言亦有不實者當罰金命釋
之因下詔以戒諸路轉運使焉 四年六月三十日祠
部貢外郎知滑洲朱博責潭州湘陰令搏性狂率前歲
上章言五緯當合于星辰張周分野請以今夏幸洛陽
封中岳至秋乃還泊朝陵詔下又言朝拜諸陵當用寒
食且謁拜丘墓不足以動星辰其術大抵多厭勝事至
是復言昨車駕駐洛止二十餘日還京踰月乃有中宮
之喪則臣之愚言多所預中又妄自誇誕以求信用帝
盡出以諭輔臣方有是責 大中祥符元年八月八日

降三司戶部判官殿中侍御史王好古監閬州商稅工部員外郎直集賢院劉鵬監連水軍商稅太常丞判三司催欠憑由司王曉監廬州鹽務國子監秋試舉人有初場十不者准法當停官會赦故薄責之自是諸州率以為例二年十月二日度支員外郎直史館通判濠州趙况除名為民先是濠州民齊睿坐惡逆逃亡魯東封首露本州用赦原之知定遠縣王仲徽言况受睿錢三千不以上聞請重寘其罪詔特斬睿論况枉法二年四月七日太常博士石待問責滁州團練副使不簽書州事初待問上時務十餘條大率言邊兵而詞斥先朝帝曰人臣言時政所聞及朕躬過失雖不近理亦當

優容之若矯誣祖宗不可怒也乃命翰林學士李宗諤
詰之待問辭窮故及於責 九日權左巡使殿中侍御
史龔識責平江節度副使不簽書州事識以眼疾假告
百日符簿復請賤告故及於責 四年四月八日左龍
武軍將軍澄州刺史駙馬都尉李遵下字音責均州團
練副使坐私主之乳母尋以疾求住蔡州從之 五年
四月十八日樞密院學士給事中邊肅追奪三任為岳
州團練副使不簽書州事肅前知鎮州以公費錢貿易
規利又遣吏部強市民羊及買女口通判東方慶等列
狀于州知州王嗣宗以聞帝以肅居近職不欲屬吏命
樞密直學士劉綜任中正以嗣宗奏示之肅阻引伏初

景德中肅守邢州契丹南牧其地屢震密詔令棄城入保近地會虜騎來逼肅能固守遍聞部兵列郊外戎人不測遂引師而退帝錄其勞故薄責焉 六年三月十

七日主客員外郎直史館判三司都磨勘司楊岫監汝州稻田務岫以重法按本司吏吏訟岫嘗私役使公人法當奪官帝特寬宥訟者決杖停職 七年八月五日

刑部郎中直史館張復降工部郎中左司諫直史館崔遵度降左正言職如故並罷修起居注坐記注以恭謝天地擅增昊天上帝為天皇帝及增聖祖配位故也

八年四月二十九日比部員外郎判三司都磨勘司王膺通判道州時詔文武官直言闕政膺疏中辭理荒

謬有乖詔意故出之 六月五日比部員外郎知齊州
范航免死杖脊黥面配沙門島航為吏所在貪狠待人
短長衆多憚之帝之尹京也航宰東明民有訟其鬻虛
抄納物者事狀明白按鞠已就府佐皆曰此凶人慮有
反復須結正堅固乃可上聞泊付臺覆按事果中變航
止罰金而已後任河東提點刑獄表求知博州聊城縣
雖云使於舉葬實以是邑富饒利於括取在齊州尤狡
蠢不法笞箠無度強取財貨其子昭為太常博士直集
賢院聞其醜聲走僕書諫勉航怒重扶其僕至是提
點刑獄滕涉常希古發其奸賊又揭榜令吏民首露得
罪狀數十條遣御史李銖就鞠得實而竄之 九年九

月四日前江南東路提點刑獄太常博士直集賢院范
昭降知小郡先是昭言父航坐法流海島臣今受代行
至南京願身為邊卒贖父移善地宰臣言父子罪雖不
相及亦當降其任使故也 十一月八日河西軍節度
知許州石普除名為民配賀州遣內侍繫送流所先是
普上言九月下旬日食三帝以普奏虛妄名還命知雜
御史呂夷簡置院推劾令入內押班周懷政監之獄成
集司天官驗定九月下旬日不蝕又普言二十七戊辰
蝕其日皇帝本命普又引私藏天文乙巳占太陰太陽
日月占又意圖名還得逢郊禮恩賞大理言私習天文
罪當死合從議責文武百官尚書左丞趙安仁等獻議

請依斷處死詔除名為民流配子弟皆釐務外州自餘
一切不問 天禧元年十二月二十六日玉清昭應宮
判官禮部郎中知制誥夏竦降職方員外郎知黃州竦
與妻楊不睦楊與弟倡疏竦過竊出訟之竦母與楊母
相詬交競於開封府以聞並下御史獄故有是責仍令
與楊離異 二年閏四月十六日宮苑使樊州團練使
李溥責忠正軍節度使不簽書州事溥為江浙發運使
私役兵健為姻家吏部侍郎林持起宅又附官船販鬻
材木規取息利為黃震所舉鞠之得實未論決會赦故
薄責焉 三年三月二十二日工部郎中陳堯佐責起
居郎依前直史館監鄂州茶場右正言陳執中責衛尉

寺丞監岳州酒務先是定考試條制舉人納試卷即先
付編排官去其卷首鄉貫狀以字號第之付封彌官騰
寫校勘始付考官定等訖復封彌送覆考官再定等乃
送詳定官啟封閱其同異叅驗著定始付編排官取鄉
貫狀字號合之則第其姓名差次并試卷以聞遂臨軒
放榜焉而堯佐執中不詳此制復改易其等級翌日內
庭覆驗多所同異遂悉付中書命魯宗道馮方閱視之
具言其差互詔宗道名堯佐執中洎考校詳官對辨之
之堯佐等具伏命御史劾問法官定罪宰臣等言堯佐
等所犯誠合嚴譴然屬吏議其責尤重請止據罪降黜
故有是命 二十六日降翰林學士工部侍郎知制誥

錢惟演為給事中樞密直學士給事中王曉為右諫議大夫工部侍郎楊億為秘書監戶部員外郎知制誥李諮為禮部員外郎刑部員外郎直史館陳從易為工部員外郎並五職如故進士陳損黃異等五人並決杖配隸諸州其連狀人並殿兩舉初損異等既率衆興訟命陳堯諮等詳閱試卷具言惟演等所送進士內五人文理稍次從易所送進士內三人文理荒謬自餘合格而損異等所訟亦有虛妄故并責焉五月九日龍圖閣直學士工部郎中陳堯咨降兵部員外郎充職坐舉曹仁用犯賊故也十一日左諫議大夫知鄆州戚綸岳州團練副使坐言涉訕上為提點刑獄李仲容等所發也

四年七月二十六日翰林學士兵部郎中知制誥盛
度樞密直學士給事中兼太子賓客王曉並落職守本
官知光汝州坐交結周懷政故也 八月二十三日太

常卿知安州萊國公冠準貶道州司馬坐交通周懷政
制書以準不務敦修密朋凶慝辱于輔弼玷及播紳特
屈憲章免其流竄黜居典午允謂寬恩仍以其事傳告
諸州御史臺揭榜朝堂以示百辟 九月一日右諫議

大夫兼太子右庶子權知開封府王隨為給事中知杭
州隨嘗假周懷政白金五十兩至是具狀首露故黜之
二十五日入內押班鄭志誠削兩任配隸房州坐納
朱能音問及投獲表章有諸儲閭親政之辭故也 十

四日知永興軍府給事中集賢院學士朱巽陝西轉運使工部郎中直集賢院梅詢並削一任與為護國軍節度副使詢為懷州團練副使並不簽書州事轉運使度支員外郎劉楚降祠部員外郎監汝州葉縣鹽稅勸農使職方員外郎皇甫載時丁憂候服闋與通判副使閣門祇候程紹忠為陽武縣都監本軍通判幕職官並罰銅釋之侍御史知鳳翔臧奎換都官員外郎通判寧州與等膏薦舉未能及不察奸妄致害制使奎坐與能交結故並責之 五年十一月十七日山南東道節度使同中書門下平章事王欽若降司農卿分司南京欽若知西京疾甚累表求歸養療不待報至京師故及於責

乾興元年六月二十七日

仁宗即位未改元

太常丞直集賢

院丁珙落職監郢州酒稅內殿承制丁珙光祿寺丞玘
珙並勒隨父謂在西京以父謂貶故也 七月十一日
殿中丞集賢校理知開封府開封縣錢致堯落職監池
州順安鎮茶鹽酒稅先是丁謂知江陵府致堯為本府
賓佐及謂入相致堯驟升館職仍知赤縣而恃謂勢援
深相朋附賂道請託喧于羣聽故有是命 二十四日
太子少保分司西京丁謂貶崖州司戶叅軍員外置同
正員制書以謂早踐台司備承朝眷曾靡徒於為報乃
公肆於非心昵彼妖巫館于私舍潛通詭計假託靈神
與尊官以連謀幸先皇之違裕將逞姦回之志恣談禍

福之端既蒐慝之旋聞且聞實而具在背恩棄德一至
於斯竄處遐方尚寬嚴憲仍遣吏監送 仁宗天聖元
年三月二十二日禮部郎中知吉州祖士衡監江州商
稅時內出上封者言士衡朋附丁謂居官治民殊不修
謹前自綸閣出領郡寄其責尚輕望重行黜降故有是
命 十月二十八日右巡使監察御史鞠詠降太常博
士同判信州詠自授一官巡使兩經罰俸皆為臣僚失
儀不彈奏時率府率安崇勳失儀又不舉察方當劾問
復上言武班臣僚今後小可失儀乞免彈奏帝以其失
職文過故有是命 三年六月八日直昭文館陳從易
降職史館集賢校理聶冠卿李昭遘並落職坐校太清

樓書十代興亡論多差互故也 七月二十日知邵武
軍職方員外郎吳植特除名與上佐官安置前殿中丞
余諤特追一任官勒停右侍禁鄭斌配衛前編管諤等
為吳植托付金與宰相王欽若斌取受贓銀不即催遣
吳植前來植為附金與欽若乞就移差遣欽若以重傷
大臣矜而不問 八月二十六日入內副都知涇原路
都鈐轄周文質降率府率荆湖南路安置續除名白州
編管先是文質與總管王謙吏崇信義斷斬作過投首
蕃部首領廝鐸論又與知渭州馬洵美同放質子有違
宣命修治兵器驚動諸蕃首領致有疑慮結構鬥敵死
傷軍馬故及於責仍差使臣伴送往彼諫崇信並免勘

差替洵美特罰銅三十斤移別處差遣 四年三月二

十七日同詳定計置司樞密副使張士遜叅知政事呂
夷簡魯宗道各罰一月俸樞密直學士劉筠已下各罰
銅三十斤前三司使右諫議大夫李諮落樞密直學士
依舊知洪州侍讀學士孫奭已下及千係官吏等並特
放三司勾覆官勾獻配沙門島坐改更茶法計置糧草
前後異同故也 六年十月二十二日知鄆州考功郎
中杜堯臣責濟州團練副使坐部內買物虧價等罪合
流二千五百里贓罪追見任官故也帝曰此人素聞贓
盜否宰臣王曾言堯臣所至酷於刑法吏民苦之近亦
降指揮一轉運司體量據此事狀發露仍以賄聞難逃

嚴憲矣 七年二月十四日左千牛衛上將軍知隨州
曹利用責崇信軍節度副使房州安置先是利用姪洵
以蔭為左侍禁領趙州兵馬司州民趙德崇者詣登聞
院告洵密事即詔龍圖閣侍制王博文監察御史崔暨
與內侍羅崇勳馳往逮繫真定獄鞠治之獄具洵生被
酒衣黃衣詞斥乘輿尤切害又軍民王昱王昱李惟慶
蔡釗康證宋達孫政王元亨八輩於洵前呼萬歲法寺
議洵當斬母鄭妻鄭悉徒三年二女未十歲請以贖論
王昱輩為王元亨有當上請餘悉抵死詔洵特重杖處
死母年五十九聽以杖七十論妻女論如法王昱等並
貸命杖脊黥面配隸王昱沙門島遇赦不還王元亨本

州編管餘悉配廣南荆湖牢城趙州知州通判並絀令釐務職官及本路前後轉運提點刑獄官時釋其罰又利用弟利涉任左侍禁閣門祇候前為趙州都監在官強市脚店虧估役軍工治第利涉時在京師亦詔開封府劾問法當流三千里蔭減外奪三官勒停詔特除名編管續詔開封府決杖一百依舊編管又有殿直曰務成在利用門下掌家事崇儀副使曰承詵嘗詔書務成妄言錢惟演有章薦利用及以金遺務成詔并劾之務成坐贓應徒二年追二官勒停承詵杖八十官減外贖銅七斤詔可務成仍覈管之承詵亦徙監當又四門助教鄒利見本以占命稱嘗為利用治莊因受試秩議法

當贖銅七斤詔削試銜決杖八十初利用領景靈宮使
令樞密主事蘇藏用令史趙兼素中書堂門官宋昱主
宮中公使嘗遣教練使杜昇就貸官錢藏用革不敢拒
返詐為見數法寺斷利用為首藏用革為從應徒二年
半昱追別駕罰銅二十斤藏用亦追一任罰銅十斤兼
素追兩任勒停杜昇當杖八十詔昱等三革免追官止
勒停杜昇仍羈管之利用坐數獄法官以借用公錢為
重當除名詔免除名而有房陵之徙四子崇議副使淵
而下左降二官除許隨行外並差荆湖江南僻遠監當
家族隨任所外官給脚乘津遣使臣防護悉赴房州今
隨州給汭田五頃錢二百千賞德崇十五日三司戶

部副使度支員外郎王駿降司封員外郎知湖州羣牧判官太常丞韓琚通判濠州太子中允集賢校理李丕諒落職通判和州駿居嘗為曹利用知獎薦舉丕諒即其妻兄故出之 閏二月九日太子中舍致仕韓君素

除名配隸沂州衙前君素曹利用之舅居杖州頗恃勢舉債造麪故責焉又有范仁遇利用家僕也亦生舉債計贓杖脊十五點面配柳州牢城 五月十七日知制誥史館修撰充景靈官判官同糾察在京刑獄季仲容知制誥史館修撰同知審官院石中立屯田郎中丁慎修並罰銅十斤仲容中立落修撰糾察審官之職慎修絀小處釐務差遣坐薦舉尹尚不當尚生贓法當絞咸

一等初仲容等知尚欲敗亟自首露法寺引知人欲告而首減外當坐徒二年罰銅四十斤又引勅舉官犯賊舉主雖不至追官具情取旨故有是命 七月二日左

領軍衛大將軍知光州石普責左監門衛率府副率滁州安置祕書丞通判光州王植責彬州長史永不錄用普受所部贓估絹四百八十疋法應加役流除名植受所監臨贓估絹百二十七疋法應流二千五百里免三官初植發普罪有司并得植贓詔並安置植亦除名轉運使坐不覺察治其罪 八日玉清昭應宮判官翰林學士兼侍讀學士中書舍人史館修撰判館事同修國史宋綬落學士職都監李賓副使任文慶除內殿崇班

承受上御藥藍元用入內供奉官楊懷志江德用諸處
勾當悉衝替勾當法從備物庫高班石惟岳高品何繼
恩各追一任勒停高品溫惟緒梁守元林志兼殿直韓
興尹宗諤各降一官差替時昭應宮火御史府鞠延燒
之狀因言道士輩茹葷聚飲法官議罪悉當徒坐特命
未減判官而下法止杖一百帝以不戒備特重其罰
十二日知欽州比部員外郎楊籌追三任特除名責澧
州團練使不簽書州事通判贊善大夫宿靖言除名責潭
州別駕永不錄用天雄軍判官知陽信縣郭研幾追一
官勒停宿州編管判官杜從一推官李務德德清軍判
官監酒稅張玘並特勒停厭次令魏諫特衝替籌靖言

並生以土戶為職田佃客虛出租課買賣虧價計倍賍
籌絹百三十匹靖言三百四十匹研幾而下皆生多取
田課詔御史鞠詠馳往案鞠法寺案靖言當加役流除
名籌流二千五百里追三官勒停研幾流二千五百里
追官勒停務德從一各徒一年半貶杖一百諫準赦原
罪特重其罰故有是命 九月十三日知澶州禮賓使
張綽降崇儀副使通判祕書丞柳顥降著作佐郎太子
中舍辛有孚降大理寺丞都大修護堤埽禮賓副使戴
潛降內殿承制閤門祇候鎮寧軍節度推官陳湜降沂
州防禦推官權知慶寧軍節度推官事泉州觀察知使
知觀城縣劉旦降泉州節度推官職任如故坐河決也

八年六月四日度支員外郎祕閣校理韓義為司封
員外郎落職通判冀州先是春台執政及文館之臣賞
花于後苑因入清輝殿觀唐明皇所畫山水石既而咸
命賦歌以美其事即席奏御後因差次羣篇優劣義辭
尤劣乃遷秩外補焉 九年七月二十二日詔前河北
轉運使王汾候服闋以僻小知州授之先是命河北李
識履驗汾治狀識按汾嘗假官舟販鹽以男為名令其
幹釀故免鞠問而有是責 八月二十七日殿中丞審
刑院詳議官王度監蔡州商稅著作郎直集賢院王堯
臣知澤州瀆即祕書丞冲之兄堯臣瀆子也冲坐事貶
竄故特降授焉 閏十月二日樞密直學士給事中知

京兆府李諮降右諫議大夫度支郎中知泰州朱頔降
祠部郎中左侍禁閣門祇候王溫追一官勒停坐奏舉
王沖責之 十一月二十四日刑部員外郎兼侍御史
知雜事曹修古降工部員外郎通判杭州殿中侍御史
郭勸楊偕降太常博士勸維州偕舒州監商稅太常博
士權御史臺推直段少連降祕書丞監漣水軍商稅坐
抗言劉從德卹後之恩過為僭濫故也 十年正月二
十日前益州路轉運使兵部員外郎高覲降通判杭州
坐不覺察嘉州張約受昧故也 明道二年正月二十
八日國子博士張正中降知太平州正中前為夔州路
轉運使政苛察不稱職蕭律既代正中乃劾奏故降之

四月二十五日殿中丞知吉州方仲弓降太子中舍
監建州新國監仲弓性詭僻險佞在皇太后時陰揣時
事乃上言立劉氏七廟如唐武后故事太后不聽而章
留禁中以左右之授得知吉州帝惡其姦險又事經累
赦故貸而不誅止于貶焉 七月二十日戶部侍郎知
永興軍陳堯佐降知廬州為狂人王文吉所誣也 九
月四日泰寧軍節度使同中書門下平章事判河南府
錢惟演落同平章事從崇信軍節度使赴本任先是權
御史中丞范諷言惟演與李遵為婚家及共劉美結托
先太后時最為權倖相次與后族郭家連姻今聞又與
莊懿太后弟論親及上章妄陳章獻明肅莊懿太后附

廟事朝野聞者無不嘲笑伏乞時議黜降明警羣邪帝諭以山陵在近候禮畢日降黜諷復云臣將來差往山園勾當恐被惟演令人刺殺已將到權中丞誥勅如不行乞進納帝敦諭不退直候有旨許降責惟演方出

景祐元年三月十七日右正言劉渙降殿中丞通判磁州渙初為奉禮部表莊獻還政詞甚峭訐擢授諫列未幾并州走馬承受張承震言渙前監并州諸倉多作違非頗為踰濫故被絀八月四日河陽三城節度使同中書門下平章事判陳州楊崇勳落平章事知壽州先是周懷信言兄懷政先在東宮最處親信為見姦臣結黨謀危皇嗣心懷忠孝欲除姦險被楊崇勳楊懷吉妄

有告首枉遭殺戮懷吉雖亡崇勲尚在乞賜行追稍雪
幽冤詔崇勲累經赦宥仍處近密特示寬恩云 二十
五日皇城使英州刺史王懷節降左驍衛將軍依前英
州刺史坐不合令弟雜婦持表入內告尚美人乞管軍
故也 二十八日開封府判官殿中侍御史龐籍為祠
部員外郎廣南東路轉運使左司諫滕宗諒為祠部員
外郎知信州坐言宮禁事失實出之 二年正月五日
秘書丞監察御史裏行孫沔守本官落御史裏行知潭
州衡山縣坐李安世誑妄言事乞矜免故也 二月十
二日龍圖閣直學士范諷責授鄂州節度行軍司馬不
簽書州事祠部員外郎龐籍降太常博士知臨江軍坐

奏論事不實籍合追見任更罰銅十斤勒停諷合罰銅三十斤諷又以不候旨擅歸兗州合罰銅九斤特有是命吳守則不候省司磨勘進狀乞酬獎轉官合罰銅九斤該赦原追納東頭供奉官前知齊州李遜移小處知州知宿州董儲移通判差遣知信州滕宗諒移監當差遣知湖州安吉縣范拯降上佐官監都進奏院石延年落校勘同判差遣仍降勅榜曰懷謨罔上曩憲之深懲挾黨背公前訓之攸疾矧踐揚於近列宜表式於羣倫苟致人言實干邦治范諷早縣官牒擢處諍臣當銘澤以誓忠庶敦風而報國而乃性資偽辯志騁比周頃主計文冒奸賞典吳守則常司國帑未結歲勞輒廢格於

舊條妄保任於空簿加以内營產利外託廉貧假什物
於禁司形妄言於奏牘仍於列郡輒示公田因夙昔之
薦論致州縣之阿徇洎從訊逮咸露欺誣伊其獄之上
聞合免冠而俟報擅還治所尤駭輿情特申降黜之科
用判忠邪之類龐籍比叅臺選亟貢囊封事雖失于審
詳理時從於矜貸噫事君盡節乃克荷於寵榮行已弗
臧蓋自取於尤悔凡百多士宜悉朕懷令進奏院遍行
告諭諷令殿直胡仲宣疾速判送赴鄂州乘驛發遣候
到只得在本州居住勿令他往 二十五日資政殿大
學士兼翰林侍讀學士刑部尚書李迪降太常卿知密
州初迪以善范諷罷宰相願留京師既又疾呂夷簡在

中書事多獨行因奏夷簡嘗為荆王元儼除僧官及按其
事而夷簡在齋祠中乃迪奉行之帝遣知制誥胥偃
三司副使張傳就第鞠其狀迪辭窮待罪故復降黜之
十月一日太子中允陸東停見任處州安置先是東
為太子中舍獻文名試換中允東性狷躁冀於帖職但
聞換官志而陳狀不就恩詔曰陸東近造公庫自陳儒
藝特試言於禁省俾真迹於詞科仍換美資因為優澤
而輒賜輕率列露干求矧素定於等異敢妄希於超越
逮茲信宿不領命書告諭莫從拒違斯甚有瀆朝聽難
寔刑章用警澆浮聊申譴黜御史臺差人監押出門轉
送往彼 三年五月九日吏部員外郎天章閣待制權

知開封府范仲淹落職知饒州坐言事忤衆離間君臣
自結朋黨妄有薦引知府區斷任情故也 十五日祕
書丞集賢校理余華落職監筠州酒稅坐與范仲淹互
相朋黨妄有奏陳故也 十七日太子中允館閣校勘
尹洙責崇信軍掌書記監郢州酒稅以洙言伏覩朝堂
榜示范仲淹落職內有自結朋黨妄有薦引之言臣識
慮闇短常以其人直諫有素義兼師友自其被罪朝中
口語籍籍多言臣亦被論薦未知虛實仲淹若以它事
獲譴臣固無預今以朋比得罪臣與仲淹義分既厚縱
不被薦猶當從生況如衆語則臣負罪實深雖然國恩
寬貸無所指名臣內省於心有覲面目況余靖自來與

范仲淹蹤跡比臣絕疎今止因上言猶以朋黨坐罪臣
不可幸於苟免乞從降黜以明憲法故也 二十一日
鎮南軍節度掌書記館閣校勘歐陽修責峽州夷陵縣
令先是右司諫高若納言勅榜范仲淹免勘落職知饒
州及成諭臣僚事臣以備位諫列自仲淹貶識之後諸
處察訪端由參驗所聞畧與勅榜事意符同臣固不可
妄有救解歐陽修持書抵臣言仲淹平生剛正好學通
古今班行中無比者責臣不能辨仲淹非辜猶能以面
目見士大夫出入朝中稱諫官及謂臣不復知人間有
羞恥事臣與修交往絕疎未嘗失色本人謂仲淹班行
無比稱其非辜仍言今日天子與宰相以迂意逐賢人

責臣不得不言臣謂賢人者國家以為治也若陛下以
迂意逐之臣合諫諍宰臣以迂意逐之臣合論列臣愚
謂范仲淹頃以論事切直比來亟加進用知人之失亮
舜病之忽茲狂言自取譴辱寬大之典固亦有常今修
謂之非辜稱其無比仍謂天子以迂意逐賢人中外聞
之所損不細望令有司名修戒諭免惑衆聽而書謹具
繳進故及於貶仍令御史臺催發之任 四年三月十
一日前知鄧州翰林侍讀學士給事中柳植降右諫議
大夫知黃州坐賊人張海入境不時掩煞故也 寶元
二年正月十九日知延州工部郎中天章閣待制郭勸
落職知齊州鄜延路鈐轄兼知鄜州四方館使惠州刺

史李渭降尚食使依前惠州刺史知汝州責其戎務不治邊情失於調候故也侍御史李制言伏見知延州郭勸落職知齊州蓋以失於事機有悞邊寄竊知前龍圖閣直學士范諷昨負罪黜官見在齊州居州本人任知雜日舉勸充御史今同一處深為未便乞徙勸側近一郡詔勸對移淄州 二月二十八日候武軍節度知延州范雍降吏部侍郎知安州生邊事不備也 八月十一日武寧軍節度使王德用降右千牛衛上將軍知隨州先是德用言臣僚上言知府州折繼宣賣馬與臣前後於販馬百姓陳貴處當面商量元不曾於繼宣處買馬特有是命令審官院隨州特置通判一員 十四日

祠部郎中判大理寺杜曾降知密州先是曾言法寺久
例將行劫賊人本因吞并財物或嫌懦弱傷殘恐有累
敗遂自相屠害又併不依應宣教告官羣前因怯贓物
竄伏草野不改前非別謀行劫捕獲之後只作杖六十
定罪深恐今後賊人得便恣行強盜俟得財自滿即於
徒伴中間屠一名相次又更行劫亦候得財至多依前
潛損一命如此重複為之乃至終身行劫不來經官首
告於後事敗惟獲杖六十罪有此惠姦不便至如今年
五月九日新勅許賊徒自相殺併勅內亦不言殺併後
經官告首然其理必須首告不言可知若不歸首使官
司可以施行賞典恰與編勅內言放罪支賞不殊及今

來廬州將似此不歸首刼賊已行處死寺司已依舊斷
體例疏駁乞行推勘去訖蓋緣未有明文致中外用刑
死生異制乞送有司詳定明立罪名詔以廬州見其官
吏曾未合起請故出之 九月六日殿中丞集賢校理
張宗古除外任通判差遣先是有詔以御史中丞孔道
輔居太廟出入導從喧瀆俾從它處而宗古言西漢及
國朝舊制廟垣側近皆有官私府第乞不令道輔遷移
詔以尊奉宏廟宗古不合妄有上言免勘出之 十一
月九日御史中丞孔道輔降給事中知鄆州刑部員外
郎天章閣待制龐籍知汝州開封府判官全部郎中李
宗簡追一任官勒停司封員外郎集賢院判三司開折

司同修起居注麻溫其落職監當司門員外郎張純堂
後官國子博士李備遠處監當光祿寺丞程琰荆湖北
路監當太常博士直集賢院呂公綽太常博士呂公弼
王疇各贖銅十觔奉禮部郎中諷贖銅四觔初權知開
封府鄭戡發使院行百博士元姦賊及私藏禁書事連
樞密使盛度叅知政事程琳籍與公綽公弼皆令士元
雇女口溫其生託士元賒買監虛作還錢月日而純與
備亦生託引致親戚為軍巡推司及府貼司疇風並嘗
以簡囑士元求理逋負士元既杖脊配沙門島而府判
官李宗簡輒私發公案欲營救之府推官王達即白於
戡遂奏移鞠御史臺獄既具詔翰林學士柳植錄問是

日旬休帝特御延和殿召宰相等議決之帝以道輔嘗
預奏獄事頗涉阿徇又以事初下臺止隔鄭戩龐籍入
朝而不隔盛度程琳故特貶之 十二月十三日侍御

史王素降都官員外郎知鄂州素先為御史中丞孔道
輔所舉素兄嘗娶孔氏之族及薦為臺官不以親聞俄
而道輔以鞠獄依違出鄂州帝怒其隱故復出素馬

康定元年三月六日工部郎中郭勸降兵部員外郎候
服閭與小處知州尚食使知磁州李謂降右監門衛將
軍依舊惠州刺史白波都監勸前知延州謂為鈐轄會
西賊腹心山遇叛而來投勸等不敢納送還本界至是
責焉 四月二十七日吏部侍郎知安州范雍降戶部

侍郎延州通判祕書丞計用章特除名不刺面配廣南
遠處本城左麒麟使榮州防禦使鄜延路鈐轄盧守懃
追一官荆湖北路都監守懃坐私役兵士換胡延諤馬
入已及蕃賊圍城時推胃下淚合流三十里私罪減外
徒三年追一官更罰銅二十斤勒停用章誣告守懃詐
病端坐及不合告知延州范雍欲棄延州城移保鄜州
合徒二年私罪官減外追兩任官罰銅一十斤勒停詔
用章特除名配隸 九月八日知杭州天章閣待制司
馬池降知虢州先是兩浙提刑司言池政術非長吏才
無狀恣意行刑每日令兵士獄子執挺立廳前不分曲
直詔池免勘徙小郡 十一日龍圖閣直學士張存降

天章閣待制知澤州右正言梁適言存昨以延安邊塞
重地故進其職名以命之今既不能効用換易小郡則
學士職亦當削去故也 十二日鄜延副都總管捧日
天武四廂都指揮使蒙州防禦趙振降左清道率府率
澤州安置振昨在延州西賊來圍寨門屢遣人間道告
急振擁兵不即救援致寨為賊所破寨主高延德監押
王繼元及軍民皆陷賊准律乏軍興者斬振官因上請
詔特貸極刑 二年二月二十二日前判鄭州武成軍
節度使同中書門下平章事駙馬都尉柴宗慶降判齊
州坐買物虧價徒三年官減罰銅五十斤該去官勿論
詔特有是命仍放謝辭每官戒公用錢四千貫令御史

臺催督赴任轉運司選公正朝官一員通判 四月五
日陝西經畧安撫使樞密直學士起居舍人韓琦降右
司諫依舊職知秦州知延州龍圖閣直學士戶部郎中
范仲淹降戶部員外郎依舊職知耀州先是元昊遣前
寨門寨主高延德來詣仲淹云欲與中國和親仲淹因
為書答之喻以逆順之意至是仲淹生檀移書琦坐任
福失利也 五月二十二日龍圖閣直學士權三司使
葉清臣罷知江寧府天章閣待制權知開封府吳遵路
罷知宣州時宰相以叅知政事宋庠樞密副使鄭戩與
清臣皆同時及第又與遵路素相善並權要地以為朋
黨故出之 八月十五日荆湖南路轉運使王達降知

池州坐處職非方故也 十月二十六日樞密直學士
知并州楊偕降知邢州先是偕上言請便宜行事總管
楊瓊不堪使移麟州州在嵐州合河津不便如不許便
宜及須差瓊即乞移江浙福建一小郡詔以河東方當
用兵之際慮本司難為商量公事故有是命 慶厯元
年十二月二十五日知府州宮苑使普州刺史折繼閔
降如京使仍舊刺史坐防護官物往麟州被西賊奪却
合決重杖一頓處死該赦原特有是命 二年二月十
三日內園使昌州刺史郝緒降內園使坐與西賊鬥敵
退走輸折軍馬合流三千里官城外追刺史勒停該赦
原特有是命 十四日太常博士天章閣侍講林瑀落

職通判歙州時中丞賈昌朝上言瑀所進會元紀全涉
圖緯瑀為儒官專以陰陽之說上惑君聽不宜在勸講
之地故落職外任 六月十八日三司鹽鐵判官太常
博士集賢校理李昭遘罷三司判官昭遘上言近言朝
廷減省事蒙中書戒勵緣臣只要慎惜國體帝以其飾
過不謝故有是命 七月四日利州路轉運使祠部員
外郎張宗彛降太常博士監河中府鹽務生買賣不公
故也 十月十九日涇州觀察使知渭州王汾降天章
閣待制刑部郎中知虢州生節制之失也 十一月二
十九日永興軍鈐轄東上閣門使恩州刺史馬崇正責
行州司馬生前知邠州日准招討司牒探西賊面申本

司稱差甚人探候兼累據臣僚上言乞行重斷故有是命三年正月七日大理寺丞集賢校理同知太常禮院路經落職監汝州酒稅先是以鄂王成服五日宴契丹使詔太常禮院象詳儀制有司以隣好為重鄂王下殤於禮宜作樂既宴罷經復論奏以為非是帝以經前後議論自相反覆故貶焉四月二十二日三司副使兵部郎中李宗詠降知徐州生三司後行崔珏等偽學權使姚仲孫等押字脫賺錢物仲孫等不盡理根勘珏乃簽書過偽濫文字仲孫已知蔡州宗詠以當案驗俱失覺察過聽商量助成私曲特有是命五月三日河陽三城節度使同中書門下平章事楊崇勳責左衛上

將軍致仕崇勲領成德軍為指使借職任昭敏直省官
李威新取受本軍十老人楊寄等銀禱崇勲男內殿承
制宗誨求免決杖故有是責宗誨追兩任官更罰銅一
十斤汝州編管中書直省官李威新罰銅四十斤潭州
編管指使殿侍楊顯脊杖十三放 七月三日翰林學
士禮部郎中知制誥史館修撰蘇神為龍圖閣學士知
楊州諫官以神舉馬端臺官非其才故也 四年正月
九日刑部員外郎天章閣待制權知鳳翔府滕宗諒降
祠部員外郎知虢州職如故引進使果州團練使并代
州馬步軍副總管張元降四方館使本路兵馬鈐轄並
以鄭戩發其前在陝西過使公用錢而御史亦奏劾之

初命太常博士燕度鞠于邠州叅知政事范仲淹謂邊城過費公錢宜濶畧其罪朝廷復以繫逮者久不俟獄上而降黜之 十一日楊州駐泊都監供奉官閣門祇候王乙追閣門祇候常州編管都巡檢內殿崇班韓象中追見任官和州編管同巡檢左班殿直史燁時追兩任官勒停監押左班殿直李奉先特追兩任官海州編管知天長縣大理寺丞邵先時追兩任官道州編管天長縣尉舒安易追見任官泰州編管天長縣巡檢奉職張永追見任官通州編管江都縣尉劉亮追見任官通州編管高郵軍知軍太常丞晁仲約追三任官勒停外吏特追兩任官韶州編管監押供奉官李文炳特追兩

任官配岳州編管判官閻邱孝直錄事叅軍鄭昭慶並
特勒停高郵縣尉陳用和追兩任官潤州編管三壆鎮
巡檢侍禁辛亮追兩任官勒停楚州高郵軍巡私茶鹽
左班殿直李士安追見任官勒停監新河堰奉職傳達
追兩任官特勒停坐率斂金銀與軍賊王倫及怯懦避
賊故也 十三日滁州通判屯田員外郎吳幾復追兩
任官衡州編管滁和州同巡檢侍禁劉宣追兩任官常
州編管監押供奉官趙宗望追一任官通州編管清流
縣尉符衡追見任官通州編管全椒縣尉吳元卿追見
任官海州編管來安縣尉羅茂孫追見任官光州編管
來安縣令李陽全椒縣令安節各追見任官勒停坐軍

賊王倫入境怯懦故也

三月七日開封府推官殿中

丞張庾降知虢州以庾受命荆湖南路體亮安撫捉殺賊盜而求為御史免使以侍御史王無代之未幾出焉

十四日知穎州翰林侍讀學士給事中柳植降右諫

議大夫知黃州坐不能察軍賊張海發所部也 四月

十日兩浙路轉運使金都員外郎邵師降知洪州坐錢

仙芝知秀州違枉法賊滿失覺察故也 十九日監

察御史王礪降太常博士通判鄧州礪既奏論陳留移

橋事而諫官歐陽修言其陰徇朋黨挾私彈事故黜之

四月二十一日權三司使王堯臣罰銅七斤權三司

戶部副使郭勸知陳留縣贊善大夫杜衍開封縣主簿

楊文仲陳留等縣催綱右侍禁李舜舉並罰銅六斤皆以公罪坐之三司戶部判官國子博士慎鉞罰銅七斤提點在京倉草場殿中丞陳榮古罰銅十斤都官員外郎王溥追一官衛尉寺丞盧士倫追一官仍罰銅十斤並以私罪坐之先是舜舉建言請移陳留南鎮土橋於近西舊施橋處以免傾覆舟船之患開封府差文仲與術相度而術等請如舜舉之奏士倫縣之大姓有邸舍在橋下橋徙則邸舍盡廢溥前監縣稅嘗減直僦士倫舍居之溥與三司使王堯臣為同年因白堯臣且謂徙橋於官無利害又橋舊未嘗壞舟船安用徙為翌日堯臣謂本判官慎鉞曰自移陳留橋僅三十年今忽議徙

故處動廢官錢不貨時開封府已毀橋而三司帖下縣止不得毀因奏遣陳榮古往相度而請於舊橋西展木岸五十步擗水入大洪而罷移橋權知開封府吳育固爭之又命監察御史王礪再定奪礪言徙橋故處便且言三司緝橋下有官私屋今按其處惟有士倫邸舍而無官屋竊恐私有請求於是內降下開封司錄司命尚書工部郎中呂覺就鞠之錢生嘗遣人詣礪刺其事為礪所得榮古不言慶厯二年有船觸橋柱破故以私罪論及獄成特詔免溟追官罰銅二十斤榮古暨錢仍改從公生五月九日內殿崇班渭州西路巡檢劉滬降一官著作郎董士廉移別路差遣初鄭戡為陝西四路

招討經畧都總管滬獻策以秦渭二州發卒相援由隴
山之內道甚回遠若自山外築水洛結公二城以屯戍
兵緩急通援兵之路戩以狀聞遂差滬及士廉督其役
樞密副使韓琦陝西宣撫回請罷四路招討以戩知永
興軍又言山外多生戶恐工未就而寇至請罷修築朝
旨從之戩雖罷職極言水洛通秦渭之路築之甚便詔
遣三司副使魚周詢計度可否未到涇原總管司以朝
旨召滬滬以戎人既聚而官物無所付請托其役總管
司以滬不受節制枷送德順軍周詢回言水洛之利與
戩議同故有是命 十四日衛尉寺丞邱濬降饒州軍
事推官監郤武軍酒稅上封者言濬先作詩一百首訕

謗朝政言詞鄙惡兼以陰陽災變皆非人臣所可言者
傳布外夷非便在杭州持服每年赴闕逐處稍不延接
便成朝咏州縣畏懼又印書令州縣強責以圖厚利去
年朝廷以無名詩嚴勅禁捕近又有賦詠傳寫如濬使
在京師必須復妄謗好人國家多事之時亦宜使邪正
區別風俗淳厚無容小輩敢恃輕易故有是命仍令福
建路轉運提刑司常切覺察如有違越並具以聞 六
月三日前京東路轉運使工部郎中魏兼特勒停坐詐
作女夫名目買庄田及乘收職田故也 七月五日洛
苑使知府州王舜臣降禮賓副使舜臣自盜公酒入已
贓至死帝以邊任過費公務特免深責止降官 八月

三日前淮南路轉運使司勳郎中張可久責信軍節度副使坐販私鹽部中也 二十日蔡州都監供備庫副使閻士良降內殿崇班知蔡州司勳員外郎陳述古罰銅七斤衝替初述古奏士良所為不公而士良反訟述古事既劾置許州而士良辭不伏乃命監察御史劉湜再鞠而士良生受所監臨賊追二官述古亦以所言不實故也 九月四日河北路都轉運使工部郎中充天章閣待制張昱之落職知贛州刑部郎中直史館張沔落職知汝州河北提刑司勳員外郎王儀降一官知澤州同提舉供奉閣門祇候王秉降一官河陽都監知雄州兼河北沿邊安撫四方館使榮州刺史王德基降西

上閣門使衝替河北公邊安撫都監供奉官閣門祇候
趙收降一官都監差遣知定州皇城使賀州刺史王果
降一官知密州知大名府兼北京留守司資政殿學士
工部尚書程琳罰銅二十斤保州路走馬承受公事入
內供奉官宋有言降一官監當差遣真定副都總管李
昭亮公邊都巡檢入內押班楊懷敏並特免責罰初保
州巡檢兵伍怒本路轉運減罷口糧遂殺知州通判都
監據城作亂昱之等坐是責罰昭亮懷敏奉敕書招叛
卒聞城來降誅首惡數百以勞免罪果始將兵保城不
能撫馭士卒叛故及之 五日權保州兵馬都監西頭
供奉官韋貴降右侍禁監岳州茶鹽酒稅監保州倉草

場權保州兵馬監押左班殿直侍其臻降右班監曹州
倉徒監保州屯田務右侍禁賈世永監鄆州倉保州廣
信軍管界巡檢右侍禁史克順為澤州管界巡檢保州
指使三班奏職張瀆決脊杖二十刺配沙門島貴本劉
從德家奴也從德卒而恩補班行累為西頭供奉官權
保州廣信安肅軍公邊巡檢至是權保州兵馬都監會
兵叛貴雖不能死節然屢發奏城中又日趣亂軍降及
城門開居民賴貴不甚被殺害臻父濬知安肅軍領兵
會城下城中疑為內應屢欲斬之求哀得免世永解舍
在南關城裏偶入城遇亂遂被留及田況以教榜招諭
世永為亂卒遣出城見況欲得走馬宋有言入城乃開

門有言既不去嘗令世永復入諭亂軍克順廟舍在東
關城是日領兵與亂軍格鬪矢中其目瀆府州各人應
進士舉因府州防城免解授長史試方畧得三班奏裁
未仕時嘗犯徒刑韋貴既勸諭亂軍瀆乃言我嘗讀法
書此非可赦之罪也 二十八日同提點兩浙路刑獄
公事崇議副使柴貽憲降宣州兵馬都監以知秀州錢
仙芝贓敗不即按舉也 十一月七日監進奏院右班
殿直劉巽大理評事集賢校理蘇舜欽並除名勒停工
部員外郎直肆監察御史劉元瑜挾私忌劾奏之請不
以赦原乃遣太常博士王翼就按其罪并以前預進奏
院祈神之會坐之 二十七日太常博士茹孝標降先

州塩酒稅臣僚上言去歲諫官言孝標不發父喪推勘
蹤跡不甚明白遂降指揮候服闋日未得與差遣臣以
為凡人被不孝之名而出入朝序未得差遣豈能默默
以受愧恥必有詞謀上煩朝聽孝標乞早與一外任差
遣故有是命 五年四月三日知渭州刑部郎中天章
閣待制王素降知華州生託劉京市木虧價也五月八
日前殿前都虞候邕州管內觀察使石元孫削除官爵
全州編管寶元中元孫為廊延路副總管戰陷賊中而
不能死節賊既納款乃送至境上臺諫官請加誅而帝
特貸之 十五日以右正言知制誥史館修撰余靖知
吉州初靖奉使契丹采蕃語為詩失使者體帝以靖累

出使不欲加責而侍御史王平等彈奏不已故出之

閏五月十三日刑部郎中天章閣待制王素降知江州
前河東轉運使司員外郎劉京降知淮陽軍初范仲淹
宣撫河東言京在所部市私物擾民既降為知州又下
并州明鑄體量及素為龍圖閣兼天章閣侍讀史館檢
討王洙落侍講檢討知濠州太常博士集賢校理刁約
通判海州殿中丞集賢校理江沐復監蔡州稅殿中丞
集賢校理王益柔監復州稅並落校理太常博士周延
雋降秘書丞太常丞集賢校理章岷通判江州著作郎
直集賢院同修起居注呂溱落修起居注知楚州殿中
丞周延讓監宿州稅秘書郎館閣校勘宋敏求簽書集

慶軍節度判官事將作監丞徐綬監汝州葉縣稅初吳
與舜欽本院賽神輒用官故紙錢召妓樂與洙等間久
為會而舜欽宰臣杜行之婿御史以故極論之事下御
史臺劾得洙等與伎女雜坐而沐復約延雋延讓又復
恻未除益柔并以謗訕之語坐之 八日點檢廣南東
路刑獄公事都官員外郎徐仲謀降知邵武軍坐部使
取軍債事發而詐為月日發體量狀也 十二月十八
日知楚州職方員外郎胡偕通判泰州提點淮南刑獄
秘書丞祖無擇知黃州初淮南都轉運使王素徙渭州
乃移文知楚州胡偕權領本司事無擇既不平因與偕
互有論事雖會救猶降之 十九日大理寺丞集賢校

理陸經責袁州別駕經為汝州監酒轉運司差磨勘四
京官物而當貸西京民錢又數與僚友燕聚語言多輕
諫官時嘗託京市材木而京委并州文水令董望市之
虧所僦車直及牒稅錢總四十千下御史臺按其事而
皆在赦前并素降之 十四日福建路轉運使金部員
外郎高易簡降知衢州坐不合擅行鼓鑄錢故也
六月四日刑部郎中天章閣待制知江州王素落職司
勲員外郎劉京監徐州利國監秘書丞監察御史裏行
閻詢落裏行監河陽酒御史臺主簿楚泰送流內銓注
外任官素既責知江州而言者謂當落職制云素嚮自
外朝郎位擢爾諫曹言聽計從已任大事忠義之語曰

熟朕固信之謂其可任而乃權脅外使巧為私書貨悖
藏家金不償券制下即問簿對靡誠人之匪尋乃至於
是朕特從輕典遷朕遠藩而羣言憤興公論弗允載惟
家世之舊亦有夙夜之勞止解近班尚仍舊治夫懷讓
不可備顧問坐墨不可侍禁嚴皆汝前言無曰文害又
言御史臺鞠素事而詢泰與素連姻而初不以聞故并
責之 七月六日前知温州都官員外郎左瑾追一任
官特勒停坐違朝旨不赴陝西提舉銅坑冶鑄錢事却
奏舉知温州孫梁充代故也 二十一日知路州起居
舍人直龍圖閣尹洙責隨州節度副使坐前任渭州侵
使公用錢也 八月二十二日河北路轉運按察使龍

圖閣直學士右正言歐陽修降知制誥知滁州太常博士權發三司戶部判官公事蘇安世降殿中丞監泰州茶鹽稅入內侍省內東頭供奉官王昭明監壽州壽春縣酒稅初修有甥張少鞠于家因嫁其姪處州司戶叅軍歐陽晟後張與僕陳諫姦通事發始鞠于開封府語有連及修者及命安世等再劾修乃只坐用張氏資買田立已名安世等以直牒三司取錄問吏人而不先以聞故皆責焉修甥張及諫杖脊晟勒停知開封府楊日巖以下罰銅 九月二十二日江南東路轉運使兵部員外郎楊鉉降知衡州坐按部苛察也 十一月二十一日荆湖南路提點刑獄太常博士楊旼知太平州坐

本路駐泊都監胡元討徭賊唐和所敗措置乖方故也
十二月十一日知潭州龍圖閣直學士右諫議大夫
劉沅降知鄂州以胡元等軍敗也 六年三月二十六
日荆湖南路轉運判官太常博士李上交降知筠州以
在部苛察也 四月十一日刑部員外郎集賢校理李
昭邁落職知澤州坐入國不覺察人從盜北界金酒器
故也 七月十八日太常少卿判三司開拆司錢暖追
三任官勒停坐妄奏班行受贓故也